

嬰處文稿三

雜稿一

青壯館全書二

銅卷藏

共三十五







青莊館全書卷之三

嬰處文稿目錄一

西湖烟月篇序

茶溪詩文序

送朴叔遊縣州序

餞辛巳序

雪夜文會詩序

孝暇襍稿序

迎春序

嬰處稿自序





送李仲五讀書北漢序

野餒堂記

漸齋記

守真軒記

八分堂記

玉瓢齋記

陽厓記

七十里雪記

知非齋記

甲申除夕記



記福建黃森問答

記遊北漢

記號

記海印寺八萬大藏經事蹟



青莊館全書卷之三





青莊館全書卷之三

完山

李德懋

懋官

著

男光葵

奉杲

編輯

德水

李畹秀

蕙隣

校訂

嬰處文稿一

西湖烟月篇序

西湖有清士貌秀而心潔好讀書以自樂人不知吾獨知之又敬愛焉沈君平甫是也昔余弱冠僑於江湖平甫少於吾三四年為隣以居自謂氣味之相適見輒談古事又吟哦焉宅事不知也余去年春移家木覓山下



多病不出門今往見其詩格古而韻長今世此道之絕  
久矣盍寫之篇平甫笑曰惟君其序之遂題清士西湖  
烟月篇勉之哉吾豈獨知之乎已上已完山李明叔序

### 茶溪詩文序

士之衣布帶韋茹糗啜糟偃蹇於蓬蒿之下不汲汲於  
名利者為難有志於古人以文章自娛者亦為難持道  
學中正之見不為衆慾所驅馳者尤為難見既志於文  
章又以道學自衛者此尤最難見者也吾同宗有正夫  
者幼失怙而能有志于文與學家貧不以為病務古人  
自期守之以正斷之以理余嘗聞其名不得見其面雖



不得見其面其願交之誠常在于中也今年孟秋邂逅  
於南礪之堂初見其貌矍矍若不勝其采也試與之語  
果爾博又簡大有理焉余於是心醉而師友之又論文  
章不駸駸乎雕繪之末以和平純雅為大旨余又躍如  
也猶以但聞其語不見其發之以為書者為恨請之見  
正夫曰小有製作隱而自好不願顯於人今子樂吾吾  
亦之子不惜焉余受以讀果爾如其言以和平純雅為  
大旨也其詩清簡幽婉得風人之旨其詞賦古而潔其  
文有和正平溫奇典雅之體余於是歎曰有德者其  
有言乎此吾所謂偃蹇於蓬蒿之下既以文章自娛又



以道學自衛者歟其真見之尤最難也君子哉是人吾  
舍此孰與遊哉正夫其勗而進焉今書其卷以志吾之  
於正夫有厚意也辛巳八月序

送朴叔遊緜州序

汝秀氏西海豪士南遊于緜：距京九百里山川巖人  
物秀恨未之從而遊余自幼志于古嘗欲歷觀名山川  
求異人者以遊生今二十一歲不出百里外但奇氣盤  
鬱於胸中而願未遂人有說名山川異人者輒喜聞之  
汝秀氏其為我訪諸十室之邑亦有忠信者況九百里  
豈獨一二人又人跡之不到必有奇山水可隱居北歸



之日其告我曰某鄉某士有某行某州有某山可結廬  
以讀書吾雖不親到若覩也適吾願若五音之諧于磬  
心焉怡怡奚必親覩為汝秀氏其為我訪諸

餞辛巳序

歲云暮矣頻瞻北斗之回杓夜如何其忽驚南城之擊  
柝魚欲振陟冰之鬣蛇已沒赴壑之鱗惟其檢鬼邈之  
菴名屠蘓割腐讀荆楚之歲記膠牙僻邪雖家家共守  
歲之歡亦人人有流年之感是以飛騰暮景堪悲杜工  
部之盍簪蕭索東風誰憐蘓內翰之剪綵問今夕其何  
夕童幼之歡雖深實增年老大之懷不少耿如



別故人於千里青熒之燭影方長悵乎迎新春於五更  
悠揚之鍾聲最遠然惟普天歡樂宴歲功之遂成於二陽  
匝地喧嘩賀星記之周回於三始而况幸際昇平於家  
國奈無燕喜於弟兄秩初宴而散紅牙爭傳呼於五百  
拜高堂而祝黃髮竟進壽於八千喜舞綵於斑斕堪誇  
慈母手中之線笑把鏡而怡悵不問丈夫鬢邊之絲雷  
花臻祥夢欲賣於今夜鬼托僻惡貪可際於明年所慨  
家君遠遊咏西海而瞻慕阿叔濶阻想南州而馳懷佳  
辰難陪春樹之祝徒永遠方所歎竹林之會惟稀茲迺  
值浪仙祭詩之辰聊以續子瞻錢歲之句且夫處白屋



而鬼大庇望丹闕而獻微誠願萬邦之屢豐曰暘曰雨  
曰寒曰燠祝九重之遐壽如陵如岡如阜如山嗚呼  
年來去以有期矣歎壯歲之添齒物終始其相謝抵蹊  
新德之潤身

雪夜文會詩序

壬午二月十五夜會者鄭氏子城南氏汝修汝  
華鷄既鳴命余序之

清讌高堂古人所以秉燭狂歌半席志士為之擊壺白  
雪陽春久渾淆於下里清端脩竹長莽沒於空山如小  
石之在山嗟大塊之勞我樂琴書於暇日只自喜乎茶



熟香清視軒冕於浮雲亦奚恤乎鍾鳴漏盡于時也圓  
月始展誦希逸之詞賦清新微雪乍零想道蘊之詩鬼  
飄逸太守行部雖無問於洛陽良友乘舟亦有訪於剡  
曲匪曰較才於戰白聊可慰意於拭青郊瘦島寒雖同  
工而異曲陳蓬泰速各短律與長篇諸君子風流妙年  
舉皆如金如錫嘯歌半世任彼呼馬呼牛甫里先生寒  
厨之杞菊無恙鍾山隱士曉帳之猿鶴自如僕逕開蓬  
蒿幸相隨於二仲形如土木羞共列於七賢任流出於  
性情興而比也見沕合於聲氣書庸識哉追繼金谷勝  
遊列書字姓留為紫閣故事詳記年時



孝暇襍稿序

坡山子携其集請名於完山子完山子鬼之三日迺以  
濃墨秃毫大書其巔曰孝暇襍稿善事父母之為孝孝  
而有餘力之為暇有餘力而之詩也之文也述之而載  
於策是之為襍稿孝烏可一日無哉又章乃其餘事甫  
虎雖有皮斑斑無其乙安得施其威也龍雖有鱗燦燦  
無其珠安得行其神也人而無孝雖有郁郁之文章亦  
安所補其德哉故君子先修乎孝修乎孝而百行具百  
行具而發之為文章必和而悅澹而靜讀之使人藹藹  
狀滋其善心也如其先才華而後行案其為言也雖炳



炳烺烺脉理俱邪不足以服於人坡山子年幼冲志孝  
順每日東方欲明適父母所下氣怡聲問安否退而歸  
端坐歛膝志氣方旺讀聖賢書一兩篇沉潛鼓舞有樂  
於心而自不能已者誦韓歐文咏陶杜詩其蓄之中而  
發之外者大而為序記小而為律絕高吟朗誦樂斯之  
深少焉婢報飯侍饌而歸如朝之為日既入昏定而歸  
如晝之為篇既成每使完山子讀而評之此其所孝之  
暇述詩文而為襍稿者也完山子申言曰坡山子先於  
行而後於才乃其言和而悅澹而靜不獨炳炳而烺烺  
也坡山子坡山子母使失虎之乙龍之珠時壬午月建



子庚午完山子撰

迎春序

壬午十二月二十二日明年癸未之春日也一氣迺至  
天地山澤草木禽虫咸與為春春日之始為春日才一  
日之間爾夫人者亦物中之一類而最靈者也雖與萬  
物同其春而亦有所不同者焉豈獨以隤者析鬱者暢  
慘者舒塞者通枯者滋蟄者蠢乃可謂同其春哉此同  
之一段安足道最靈而亦有所不與之同者乎若夫菜  
盤以嘗新土牛以送寒亦假借之習苟簡之俗安所益  
吾人心與身哉遽大夫行年五十而知四十九年之非



如以一年較遽大夫之平生令二十二日之昨日卽遽  
大夫四十有九之年令二十一日之明日卽遽大夫恰  
滿五十之年人非聖人孰無其過知非遽善其在此一  
日之間乎且夫時之春卽人之仁知非遽善其為仁之  
始乎

嬰處稿自序

藁曰嬰處藁之人其嬰處乎曰藁之人男子之踰冠者  
曰嬰處非藁之人而藁獨曰嬰處可乎曰是近乎自謙  
而迺自贊者曰否嬰之夙者當自贊曰長者處之慧者  
當自贊曰丈夫未聞男子而踰冠者反以嬰處自贊也



遂自述曰昔題藁之首篇曰何異嬰兒之娛以弄宜如  
處女之羞自歲是寔近自謙而寔自贊者昭矣維余自  
童子日性無它所好能嗜文章亦不能善文章惟嗜也  
故雖不能善有時著文章自娛又不喜浮誇恥向人要  
名譽人或謂其恠蓋余夙弱多疾不能勤讀誦習固陋  
無師友以教導家貧不藏書無以長知見嗜雖深其為  
學亦可悶也夫嬰兒之娛弄藹然天也處女之羞藏純  
狀真也茲豈勉強而為之哉嬰兒歲四五及六七日以  
弄為事插鷄翎吹葱葉為官人戲排豆列俎規旋矩步  
為學宮戲咆吼踴躍睜目掀爪為彪子後覩戲從容揖



遜登堂陟階為賓主接對戲篠為驂鵲為鳳針為釣盆  
為池凡耳目所接莫不學效焉方其天然自得也幡然  
笑翩然舞嗚嗚狀宛喉而歌時乎而悠狀啼忽狀吽作  
無故悲變化日百千狀莫知其為而為也處女自始肇  
絲至于笄雍容閨閣禮防自持饋饌縫織非母儀不遵  
行止言笑非姆教不服夜燭行晝扇擁垂雲羅掩霧縠  
蕭穆如朝廷絕遠如神仙羞不讀夫桃夭腐之詩恨不  
說文君蔡姬之事非姨姑姊妹之親不與之坐同造踈  
親戚自遠方來者父母命使之見隨兄弟強施拜背燈面  
壁羞不自勝有時遊中門內遙聞是咳響走深處不自



暇噫嬰兒乎處女乎孰使之狀乎其娛弄果人乎其羞  
歲果假乎營之人著文章不要見其亦類是也夫磨一  
丸煤揮三寸管掇菁華拾瓊瑤其寫臆如函工欣暢鬱  
悵合并睽離嘯歌笑罵山水之明媚書画之奇古雲霞  
雪月之繁麗皎潔花草虫禽之靚鮮叫翔一於足發之  
獨其性不猛厲不作乖激憤戾狠愎誚謗之語亦不以  
不自滿輒壞棄之甲之乙之丹之綠之籤而帙之藁而  
檢之枕籍而提携之贊頌而諷歌之親之如朋友愛之  
如弟兄皆自適性靈不足照它人眸嘗不幸為客探肱  
對面聆贊譽聲色忽頓過遜讓心嶮岼不能安客既去



愧隨以深反自怒欲投水火無惜也怒稍已復自笑曰  
昔緘之箱猶不固迺裹十重紙用金鑰鎖木龕忽正色  
而誓曰今後若為人索奪當投水火固無惜也咄其亦  
恠之流乎狀惡敢以滅裂齷齪螢爝微明蹄泮餘滴肆  
狀自驕銜媒無恥誇矜不遜妄以為吾前既無吾後何  
有以取識者之誚哉自古善於文章者無不傲然高大  
妬者四起橫遭謗毀坐此蹇滯甚至喪身名辱父母况  
不能善者哉吁其可畏也已吁其可畏也已余既於娛  
弄羞穢兼有之以自贗娛弄嬰兒也長者不為嗔羞穢  
處女也外人無敢議嗟乎或責余以廣求人自炫耀者



雖諷規之深切恐懼愈深箴悔愈堅或責余以只自娛  
不與人共者獨不為辨固自如也雖戒謹詳審以嬰兒  
處女自居猶不免人誚責惡哉惡哉然若不以此自居  
其誚謗惡可勝道哉復自慰曰娛之至者莫如乎嬰兒  
故其弄也藹然天也羞之至者莫如乎處女故其箴也  
純然真也人之嗜文章至娛弄至羞箴者亦莫如乎余  
故其藁曰嬰與趣或曰凡嗜之者善之者也子其果善  
之而故自謙也歟曰請以食喻夫宰夫之供饈饌也封  
熊之掌翰音之跖鯉尾握唇金薤玉膾雜薑桂和鹽梅  
烹熬適時酸醎合味獻之于公侯莫不嗜而不飫夫公



侯雖知嗜綺饌安知供綺饌如宰夫之善乎余之所嗜  
其亦與公侯之所嗜同乎淹醕當酸漬醬當醎雖公侯  
亦粗知是也余之粗知著又章當類此也安在其故自  
謙而不自贊歟然則嬰與處無為丈夫為婦人之日乎  
遂哂曰雖為丈夫為婦人其天之藹然真之純然至白  
頭固自若也尚章執徐日躔大梁之次穀雨序

送李仲五讀書北漢序

余於文嗜無所不至惟歐陽文忠文最焉於山水嗜  
無所不至惟北漢百濟王故都最焉盈天地間文與山  
水者非歐陽北漢而止不徒嗜嗜惟最不其取大方之



笑哉是有由余素陋寡聞生二十二歲始從隣人獲窺歐  
公文讀而大樂輒誇向人私以為嗜之不終身弛也不  
耐清羸靜杜衡門步屨所到遠不過十里歲辛巳秋共  
南君子休汝修齋張携手始步入北漢山中遊十二寺心  
欣欣如有得總三日而歸猶有惜別意或自以為天下  
之山水萃於斯夜往往有北漢夢至于今然也是見之  
也始故其嗜之也最焉今年冬十月友人李仲五携歐  
公文上北漢為歲暮課讀計適與余夙所最嗜者并符  
焉且請余偕往余雖欲樂從之每冬寒輒患慈母病以  
熬煎於今繼未發其憂慮不少弛未嘗斯須離也空山



網是網

靜寂燈火青熒吾身雖不到其鬼想或相來徃仲五亦  
境與神會端居潛默細細焉想之哉普光法堂藻井有  
平已遊三人字姓其至今無恙否幸拂蛛網如覲吾三  
人面也嗟乎子休遭喪汝修南遊三人者落落不易合  
矣仲五於三人者皆友善愴與我同之文之慷慨者莫  
歐公若也山水之清曠者莫北漢若也讀歐文舍北漢  
奚之噫仲五之讀其亦得所也歟癸未陽月二十有五  
日友人序

野餒堂記

野餒誰號吾友白永叔自號也吾見永叔奇偉之士何



故自處其鄙夷我知之矣凡人見脫俗不羣之士必嘲而笑曰彼人也顏貌古樸衣服不隨俗野人哉語言質實行止不遵俗餒人哉遂不與之偕舉世皆然其所謂野餒者獨行于于歎世人之不我與也或悔而棄其樸或愧而棄其質漸趨于薄是豈真野餒哉野餒之人其亦不可見矣永叔古樸質實人也不忍以質慕世之萃以樸趨世之詐崛強自立有若遊方外之人焉世之人羣謗而衆罵乃不悔野不愧餒是可謂真野餒哉孰知之吾能知也然則野餒云者世人之所鄙夷吾之所期於君也向吾所謂自處其鄙夷者激乎心而言也永叔



以為吾知其心請其說書而歸之幸以此示巧其言令其色者必笑且詈曰作此者尤野餒哉吾何愠也辛巳月建寅庚申寒棲幽人書

漸齋記

永叔既字其楣曰漸仍求其說于余余詢曰漸之為室名子心樂而自取歟先生長者命之以為號歟有旨哉其真永叔號也非重厚寬舒之人不足當卦序曰艮者止也物不可以終止故受之以漸又曰緩進為漸進以序不越次所以緩也余以為天下之萬類萬事不出乎有終始焉有本末焉外乎此吾未見其成就也吾嘗拱



手歛容舒舒以步入乎門進乎庭陟乎階升乎堂狀後  
奠乎席儼然端坐休休而言其言必有理是日用威儀  
之終始本末也無遑急迫感之意緩進不越次斯可見  
如異乎茲冠帶褐被步趨挑撻不但有顛沛躓蹶之患  
必不時而笑不度而言漸之義斯幾焉可不夫懼也哉  
世未有不正其心欲身修家齊者也自小學進于大學  
亦由乎斯焉不獨是然也古聖賢千言萬語誘掖於人  
訓誨於後者究其用心亦不外於此嗚呼永叔有心者  
旣号曰漸又請我闡其義其立志豈淺劣也哉如不以  
我為妄盍試之日用細微之事乎幸為我拱手歛容舒



舒以步八門升堂如法休休而言既久必有所得子必  
曰明叔不妄人也吾試之而如斯乎吾亦從以喜曰永  
叔勉之哉願成其末與終如不從必整色以箴曰永叔  
何其淺也漸之義安在小大學次第之言掃如也子必  
聳然而懼幡然而改乎不乎吾於此決妄言與不妄言  
也辛巳六月初六日記

### 守真軒記

余讀守真子燭臺之說至人皆以巧取于物物亦以巧  
用於人未嘗不歎息也又至余雖生於斯世所好在古  
非今也亦不覺贊頌之不己焉守真子之所以為守真



斯足以知之矣夫事物之近乎巧者流以為詐詐者真  
之反也且守真子生於斯世志嗜好古焉好於古者必  
取樸與素維樸與素非今之所好而亦巧與詐之相反  
者也其好古而取樸素者捨乎真而安所守歟此余所  
以讀其文而知之乎守真子之為守真也守真子既以  
斯為号復題其軒為守真之軒甚矣猶恐其真之不能  
守題其軒而寓目也歟然斯領之暇其或趨巧詐而外  
馳亦或違樸素而內淪是假焉而非真焉也失之而非  
守之也失之與假斯易焉守之與真斯難焉請子易其  
難而難其易哉如有人升子之軒瞻軒之題八子之室



見子之言行若多巧詐器用若不樸素人必詰之曰言行多巧詐其所謂守其真乎器用不樸素其所謂守其真乎子何以應之狀其貌瞿瞿乎若不勝其衣其言呐呐乎若不出其口察其貌與言可以審夫心與行惡可慮其名案之不相副哉如不相副余當以燭臺之說質於子究其言之不難而行之不易焉龍集壬午一陽月  
鶴上村夫記

八分堂記

主人之室楹凡四且鬱濕客不頻至至亦語不移時卽揖去非意鹽鹽相洽狀者來不再室之陋乃如是夫主



人性拙儉不暇憂晝兀坐夜安寢意自適與華屋同主  
人之安分亦如是夫冬寒盛風刮八隙燈搖搖然不  
妨照字用素屏隔十之七三居其外七居其內自寢  
處爲器用書帙貯其外主人猶不以低狹嘆杜門讀古  
人書不輟客有來者八戶欲舉手揖屏將觸其額客盱  
衡而嘲主人曰隘哉主人昔吾囑子以廣其室今不能  
廣之乃反隔之子居澗濱名屋以蟬殼橘皮志其小此  
室亦奚名主人笑曰八分之堂曰奚居曰吾且小遲子當  
自求客沉吟少間東顧而笑曰其此壁乎篆二楷八是  
爲八分今子書揭焉名之意其此壁乎曰否否奚在其



名屋之小更求爲客頻囁嚅乃言曰屏之外餘幾尺地  
若十之二屋之名斯在焉主人乃粲然曰屏之外十之  
三屋之名非七分安在其八分曰然何居乎名主人於  
是太息曰余不佞非以屋之大小爲名今若慕其大  
矣當名之以泰山之室若慰其小矣當名之以秋毫之  
室是譎詭怪僻君子不取焉且蟬殼擗皮心愛夫高潔  
芳香不徒慕而慰之夫數之蒲爲十而百而千萬億及  
神皆不逃乎十之數焉人之初降天與其衷無不有十  
分之性善暨乎壯大爲氣質拘徇外物淪本性惡之勢  
駸駸垂八九分其去十分者幾希若王莽楊廣元凶大



惡小人之無忌憚是惡之滿十分者彼亦初豈無善之  
十分者哉但為惡日甚日之其善夫如是安得不大懼  
常人者有善與惡互五分者焉有善與惡互四分六分  
者焉善之七分八分至于十分在進之如何爾朱夫子  
曰顏子去聖人九分九釐邵先生曰君實九分人是皆  
論亞聖大君子之斷案實錄焉亞聖與大君子猶不滿  
一釐一分其十分者難矣哉然幾到十分只欠一釐一分  
與常人較其亦難矣哉余不佞其或善與惡互五分者  
若能恥為小人至死為善幸庶幾到六分七分乎其否  
乎若八分者去九分只一分余不佞焉乎敢焉乎敢然



以五分跂九分奈僭踰何以五分居六分七分奈立志不高何孟子曰余何人舜何人余不佞遜而不敢焉周子曰聖希天賢希聖士希賢余不佞若或士而希賢者乎其然乎仰而慕之跂而及之不高不卑雍容周旋於七分九分之間者非八分而何余不佞奚暇憂鬱濕低狹以廣其居哉客莫隘余之室幸求余之志客曰敬聞命余之揣子淺哉客去遂記而藏諸古篋時尚章執徐上也

王瓢齋記

瓢之半為瓢最器之儉而善於盛水貧者易得以用觀



許由顏淵可知也後世鑿楠瘤藤癭範牛革髹而丹之  
象半瓢強名為瓢是豈真瓢哉然俗皆以瓢呼之無異  
名如鵠夷偏提軍持撲蒲耆老髻髻既呼之以瓢賢俊  
蠢痴亦呼之以瓢不獨真瓢可以瓢呼也狀則石劉金  
鑄土陶草織凡物之可甞而象半瓢者安往而非瓢哉  
天山呂佐伯志潔食貧家無長物有古蓄玉瓢一枚色  
水蒼前小尖若桃核指彈之韻清越竊而遠使人心滌  
滓穢宜佐伯之愛而蓄焉其大可容水半升佐伯酌清  
泉日漱其齒而沃其喉佐伯意君子歟玉惟君子愛之  
瓢惟君子之貧者亦能安而作甞用佐伯貧而蓄玉瓢



其為君子不可以辭焉佐伯嘗有言曰余觀古今人無  
賢愚咸有室名或誇而揚之或謙而抑之紛然昌熾無  
或得中余也愚而無所善不宜有室名縱欲名其室將  
誇而揚之吾性不樂焉將謙而抑之無才德可以謙欲  
用吾飲水之甞為玉瓢之齋君其教我余於是賢其志  
而為之勉曰士生于世貧不可羞也許由顏淵古之君  
子之最名而貧又甚焉者也瓢飲無累遁世樂道人到  
于今想慕其清風其視貪饕餮貨利富而無恥者羞惡困  
乏貧而無守者其輕重高下何如也且盍觀乎王之溫  
潤而澤縝密而粟以自追琢人以為玉之為瓢甚華侈



非貧者所當有也是徒知貧者之無長物不知君子之  
有所比德瓢若鍤金珠鏤鳳鸞貧者不宜蓄而君子之  
所不取今茲瓢雖許由顏淵必不以侈斥酌而飲之與  
真瓢同何者以其王也佐伯無惑乎此而彌進之勿以  
貧失其所守尚章執徐律中姑洗哉生明完山後人記

陽厓記

海邑納三億三萬三千五百五十九水水蓋屬陰而惟  
海陽其象乎八部八柱八埏八紘八極之亘内外者皆  
不逸乎東南西北四位之外也東果屬陽乎哉而南較  
極矣周天三百六十五度十二宮二十八宿之所羅列



為經緯者皆生于日為陽之榮也北斗司命為天樞柄  
陽又陽也凡天地之數分釐絲忽億兆京秭皆莫不黃  
鍾以生之黃鍾者九數也迺陽之成歟距漢師西而南  
百里巨海粘天雄府介於旁号曰南陽海既陽矣地又  
曰南之陽不其陽太赫赫乎有里焉曰斗九海而南之  
陽陽既盛矣里又曰斗之九不其陽太炎炎乎其村正  
南嚮日恒暖炙是謂陽地之村有厓陡起峭絕日之光  
偏受焉我舅氏合以名之曰陽厓厓又巖巖竦立有陽  
之象也海而南之陽里而斗之九陽既赫赫且炎炎矣  
村與厓又各以陽名厓更有陽之象不其亢於陽乎立



天地之道曰陽與陰有日必有月有火必有水有長必有消有盈必有虧日焉而不月月焉而不日火焉而不水水焉而不火長焉而不消消焉而不長盈焉而不虧虧焉而不盈天地之道隨矣凡茲者陽與陰并其行不獨立之大全也今天陽亢矣無有一陰已乎獨立豈不悞也哉計一歲晴暘雨暘孰居多計一月一日言笑宴樂憂患疾疹孰居多古昔以來治與亂多者為誰戴大圓履大方君子者小人者孰為多而孰為少也噫夫吉與善恒不足凶與惡恒有餘廓哉太虛宵而難問惟當循天徃復順受其命毋敢疾怨爾假使貪戀長生無少



須臾病且死其可得乎余也殘薄雖不得大道之原狀  
竊嘗以為芸芸穰穰叅天地而為人者統乎為君子而  
無一小人是無傷也凡為君子者自修正吾身心始大  
而忠信孝敬微而動靜云為萬善具足雖無絲毫惡是  
無傷也上古之世十日五日風雨一之民物熙皞能善  
而壽不幸有一小人為惡朝廷屏之鄉黨棄之惟恐一  
惡之在己銘之以盤盂儆之以韋弦是所謂封屋之治  
經曰惠迪吉從逆凶猶影響又曰作善降之百祥作不  
善降之百殃狀則反亂凶為治吉亦在夫修之如何爾  
是吾所謂生天地間者無一小人無絲毫惡皆無傷也



如其援陰陽而乘之無奈陽屬於善而獨立者耶今立  
四通九達之道終年閱來且去者日累千萬其修善而  
為君子者凡幾何且南陽者海之濱也土瘠民貧其生  
所資但魚漁鹽煮爾故其俗強狠簿惡善欺誑好事訟  
挾詩書而誦先王者百才一二嗟哉我舅氏不忍汨汨  
於俗習之若狂矯之而為善且其子相祺始弱冠能恥  
為小人性慎重好讀書期於君子何其壯也咄君子之  
為善其亦難也已夫一日而起子時止亥時一月而起  
朔日止晦日合推之以一歲起於元朝止於除夕當細  
檢吾身所以為君子小人陽與陰之間爾事上也御下



也待人也言語也飲食也行步也果純乎善歟純乎惡  
歟或善多而惡少歟惡多而善少歟純乎善甚幸焉是  
陽之純如者純乎惡不幸焉是陽之不純如者陽不勝  
陰甚不幸焉是惡多而善少者也惟善多而惡少者是  
陰不勝陽是始雖少幸終不幸者也善居九惡居一亦  
非君子人斯非吾所謂陽之獨立而且純如者善與惡  
其機甚危君子以之惵心惕息雖早夜為善特立獨行  
死而後已愈往而愈恐其不純乎也以其吾身雖獨善  
奈衆人之不善何是其天下之人雖不幸而不為善惟  
吾所以作君子者當懔懔翼翼以至于極恐其不善而



象陰也既不能使天下之人皆修極其善以至君子象陽之純如而只獨善其身不留一惡象陽之純如者我舅氏暨相洪之所當勉焉者嗚呼其亦重且大哉日月水火消長盈虧陽與陰之大全毋敢議焉晴暘雨暵言笑宴樂憂患疾疹治亂吉凶陽少陰多天之所運無如之何矣惟善與君子之屬陽者雖太剛而亢不害於天地之道也是故南海之旁南陽府斗九里陽地村陽屋之積象陽而微陰不見于象是大無傷也或曰地之名適然何必區區強以象之對曰昔之君子不飲盜泉里名勝毋回車以辟名之設亦有象非徒適狀君試為我



讀陽厓記龍集癸未二陽月初吉舅氏之甥并拜撰

七十里雪記

歲癸未季冬二十有二日李子跨黃馬將往忠州朝謁  
利富之峴凍雲枳天雪始浮浮而作橫卧飛如機上緯  
婀娜棲鬢有慇懃意余愛之仰天張口而吸山之細逕  
最先白遠松黑色其青青欲染知近松也敗蘗黍離立  
田中雪挾風獵之颼颼狀呌嘯潁皮倒拖為自然草書  
叢木之擎乾鵲雄雌五七八坐甚閑暇或埋喙于臆  
半掩眼似睡未睡或枝之又礪厥喙或亟脰仰爪刮其  
眼胞或矯脰刷旁鵲之肩羽或雪積其頂振動之使飛



墜仍更晴靄者飛勢斷厓馬赴為缺甕仄松打肩仰手  
缺五粒嚼乃清馨咳唾于雪雪為之碧投積於拱將巨  
頤不忍拂也馬頭來者頰頰不皺左髯如煤右髯如缺  
眉亦效之余笑啞啞欲絕纓拱之積湧馬鬣也余笑缺於  
雪西向飛偏集右眉髯又從眉非其人耆而皓也幸余無  
鬚翻余眸瞻吾眉居左偏皓又笑啞啞幾墜彼來余往  
眉易其皓叢薄幽幽皺石佝僂頂蓋雪腹凹不受乍黥  
如嘖非鬼非佛有時肖虎馬鼓鼻不前僕夫厲聲叱始  
勉強步遁然任蹄凡七十里匪峽則野伐木之韻出虛  
四顧而其人翳不見也天與地觀黯澹叙水墨扶滉且



漾孰為是濃沫入眊平遠暮江烟汀之勢忽生於峽野  
之間或使人疑之帆檣隱隱時出烟末有叟簑笠荷魚  
曳竿隱映村口青鳬呶呶歷飛集樹遙辨晒網倚旋樑  
林余不堪疑咨于僕夫僕夫吾同詢于旅者旅者如僕  
晒狀鞭馬而東俄之遠者迫在睫前暮江烟汀暗赴暝  
也帆檣隱隱敗屋歷霖棟楹森立民貧不葺叟拖簑笠  
者出峽虞人魚為翟也竿為拐也青鳬非鳬鴨之黑焉  
野氓織籬橫縱文理類漁網也旅者之晒晒余感也書  
于昆珠店燈

知非齋記



雲章為非雲章能知之乎為夫非易知夫非難知夫非  
易真知夫非難真知夫非易去夫非難去夫非易真去  
夫非難天下人之多不盡人道甚或至於戕狄禽獸之  
域者皆從不知非始始知知夫非為大機括雲章果能  
獨知夫雲章之非乎人人孰不曰吾知吾非吾未見其  
人之真知夫非也何其渙忍偏謬猶依舊也稍慧者殊  
能出入於知夫去夫間其至于真尚遠矣或有極愚且  
妄如長夜如土木不全然知夫非雖父教而君諭激成  
憤怒是可誅之民也如能真知夫非則其真去夫非隨  
之焉能以真知夫非顯者在乎古何寥寥也惟蘧瑗氏



能以是聞嗚呼惟蘧瑗氏可謂能既真知夫非而復真  
去夫非者也五十以前非全然不知者想惟出入焉釋  
然豁然於四十九年之後不大過人何能與於此今雲  
章迺敢以知非揭其齋甚容易其亦大過人乎否然雲  
章非徒然曰吾知吾非者處貧賤啗糟糠而不願富貴  
榮達以致其身惟知非是願余亦不以貧賤恤雲章只  
自真知夫非以至真去夫非勉雲章而喜之且有時憂  
嗟雲章慎勿為吾文所羞也合以箴之曰克己復禮甲  
申清明日謹撰

甲申除夕記



余志夫刻意讀古人書而不遑焉夏蒸炎坐秋卑屋砭砭攻  
舉子文豈余心灑然哉建成之月始抑余勛浮浮之鬼  
匡坐讀中庸之書夫性命費隱知仁誠明之奧余蓋夢  
夢云中庸曰君子和而不流強哉矯中立而不倚強哉矯國  
有道不變塞焉強哉矯國無道至死不變強哉矯余觀鄭忠  
信北遷日記白沙李文忠公以先王之老大臣王廢母后  
不可議竄北青以死未嘗不黯然傷心誦強哉矯而吊之也  
余嘗歎曰大哉書之有庸其猶經之有易也歟小子顓蒙何  
入焉於是著觀讀日記夫觀讀日記者記日之觀且讀焉者  
也讀焉而有得則敢以謦詵陳之又暇而旁觀它書有



論質之者矣蓋觀讀日記起于甲申九月九日止于十一月三十日凡三卷方子仲通曰百人于此具讀書之質者有幾乎有其質矣苟無讀書之地則何能讀有其質有其地矣苟無讀書之時則何能讀有其質有其地有其時矣苟無讀書之資則何能讀有其質有其地有其時有其資矣苟無書可讀則又何能讀余嘗誦方子仲通之言而嗟之也余百無一技可列於中士者惟謂之嗜古人之書則或庶幾焉狀羸也父母憂也余亦栗栗懼也是始有質而未全其質者也有地乎未也仰屋而明星垂焉顧壁而凌冰繞焉柴煤翁雜而冠衣緇乎也



是果有地乎未也太恭人肺氣不調而咳咯矣於是熬煎于中不忍須臾離其側且家大人南遊于大海之濱陟岵之恩歲暮而劇焉吊喪賀婚問訊筆牘之勞十又八九也粵自我高曾之世廩不豐積其無資也宜矣既無資矣則無其書固也雖狀余於當世之務蓋迂濶哉惟詩書之藪則能有心也故借夫人之書嘗左右鱗鱗擁累數百卷云矣書或不繼借焉雖帳簿厝日惟披閱之不厭余嘗有言曰羣聖賢之籍及左右信史可游泳上下得其蘊奧而後已也其它稗官野乘雜家言涉獵之則庶幾驅除盈天地之書矣質諸我執友茶溪子李



獵下落之字

正夫心溪宗人汝範俱曰可云矣余於今年冬之游泳  
之涉獵并行哉余試觀性理大全書矣浩浩乎渺渺乎  
不見其涯溪乎太極圖正蒙皇極經世等書及性命理  
氣鬼神之篇蓋大而不可名歟於是樂觀為學之方而  
未之能也又觀陳北溪之書迺愈條暢而愈精鍊又觀  
栗谷李文成公先生聖學輯要書源源乎闕闕之孤哉  
冬至至後讀乾卦象象文言始感于元亨利貞循環周  
復不已之妙又歎潛龍勿用之著象初九曰潛龍勿用  
何謂也子曰龍德而隱者也不易乎世不成乎名遯世  
无悶不見是而无悶樂則行之憂則違之確乎其不可



拔潛龍也。遂太息曰：聖人之做爲也，賢者亦可學而行之。歟？近者與宗人平昌公之孫同讀書于其室，講孟子書，遂羨滕公之有志於學，悲許行、陳良之膠固，又與宗人體仁氏講韓子，歎其卓然高拔於俗習羣嘲衆詈而不少低垂。余三復釋言篇而疾其譏者之同極，仍抽其架書有三蘓文焉。余讀而論之曰：洵其怒乎？軾其悟乎？轍其舖乎？狀蘓氏之策，洋洋乎晁賈公孫之緒也。又抽笠澤陸務觀南唐書矣。入蜀記矣。其雜著矣。則余遂多其閒曠之藪而慷慨之塊矣。又抽元白氏長慶集矣。昔人曰：元輕矣。白俗矣。余則曰：元淺而巧矣。白衍而詳矣。開



天以後之變調矣嗚呼文章之藝其多方乎哉代代而殊倫倫而不相侔也老子翼莊子翼者焦弱侯輯衆家語羽翼夫南華道德二書者也曹德芳之言曰聖人之言道也猶人之名天也中國謂之天矣彼匈奴則謂之撐犁矣豈有異哉特其辭異耳余笑之曰是曲護其所私欲白焉而反賄焉者也胡之天中國之天雖曰一也堯舜周孔之道豈可與蒙莊苦李之道一乎哉余頗習繩頭細字矣有暇而手書退溪文純公李先生聖學十圖矣南壺谷箕雅詩人名矣盧蘓齋夙興夜寐箴疏矣許梈着叟經說矣清士列傳矣李于鱗雜體詩累百篇



矣余讀于鱗集而感夫相推與於王元美許殿卿焉讀  
獻吉集而感夫相投分於徐昌穀黃省曾焉嗚呼朋友  
之益益不可無矣顧余則朋友鮮焉可悲也心溪子汝  
範者余宗族而朋友之者爾近益與汝範會三晝夜劇  
談之夜旣中語次到蜀漢丞相亮永安宮中受遺詔事  
汝範之眶淚始含矣余欲觀汝範之爲更促膝談厓海  
之舟載宋之三百年宗廟社稷颺母風起陸秀夫負六  
尺衮龍袍帝翻狀授于瀕洶之中余大聲曰壯哉陸秀  
夫若裂金石而撼星斗汝範瞋目意慙其纓淚滂滯而  
湧出來矣余思所以解之宛宛而誦曰曾點鏗狀捨瑟



而對曰暮春者春服既成童子六七八人冠者五六人浴  
乎沂風乎舞雩咏而歸汝範始粲然笑矣汝範之文章  
險澁奇拔粹狀相搏不可以入余引秦人劉五石牛誘  
巴蜀人者作書累數百言以說之汝範引星宿海波斯  
市之說復之而終不服也吁汝範其名士歟吁汝範其  
名士歟王元美曰檀弓聖■於文者袁悅之齋戰國策  
曰天下要惟此書余於徐汝溫許借檀弓李明五許借戰  
國策誠讀之正而奇者其檀弓乎詐而奇者其戰國策  
乎余欲知東國文獻觀海東野言許氏記言國朝典故  
焉於東國古事稍知一二焉余欲知館閣之文 宣仁



之世觀月沙李相國集 肅景之世觀玉吾宋尚書集  
讀皇明史歎 仁宗昭皇帝之祚不長仍悲夫宦官之  
熾黨錮之慘馴致乎甲申三月壽皇享事也草木禽虫  
土石之名不可不知余觀本草焉余於芝峯之書知幽  
怪變異之事歎天下之事物無所不有也古人風流之  
照耀余所樂也觀歐陽文忠公蘇長公王介甫尺牘笑  
草瑣雅一卷妄以謏聞論古今文章得失也草殼皮篇  
若干條記風謠談論名物典章諸可攷之事也草國朝  
盛事三十六條著各體詩五十餘篇余又嘗讀 魯陵  
誌六臣傳而太息焉又嘗愛鄭東溟善歌行長篇擊節



而諷誦之矣余嘗高秋登西山憶張元帥破逆逆之事  
近日凌晨馳馬雪中行一百二十里歌于古唐城謁諸  
葛孔明祠弔古尹府使立節之地携內弟穉川登陽厓  
望見天登摩尼三角諸山壯觀七山大海層濤瀾二與  
青齊接也此皆自重九日訖除夕凡百有餘日余之所  
為事也以外士友談論及叢碎諸書之涉獵者皆不與  
焉重九以前益煩而不暇及矣余每恨夫古今人家子  
弟蠟紙之牕設文本高足案緗帙牙籤叢如也頭束幅  
巾偃卧白氍褥浮談細唾終年不讀一字書也此豈向  
所謂其質其地其時其資其書皆無者哉傳曰飽食暖



衣逸居無教即近乎禽獸揚子雲曰人不學雖無憂其  
於禽何其所謂而教而學皆詩書之事也故聖人賢人  
以無教不學卽方之禽獸也諺曰流水不腐戶樞不蠹  
言其勤也古人曰一日不讀書毛孔盡窒甚言其不可  
不讀書也昔趙政避亂安丘孫嵩見之藏之複壁中數  
年諸唐死赦出在壁作孟子章句其設心益亦善矣使  
余無疾病憂患之苦專攻乎詩書之學則向所云者可  
四五十日當之矣何必百有餘日哉余之執友有東方  
子金錫汝者今年冬讀書山寺不盈三旬讀柳子厚文  
九十餘篇蘓子瞻文七十餘篇各讀五十篇遍有李明



五者自今年元旦一日而一詩止于今除夕詩蓋三百  
五十四篇其軸與其身齊焉二人者雖小事其勤劬俱  
可愛也吳幼清曰通天地人曰儒一物不知一事不能  
耻也洞觀時變不可無諸史廣求明理不可無諸子游  
戲詞林不可無諸集旁通多知不可無諸雜記錄而其  
要惟在聖人之經聖人之經非如子史文集雜記雜錄之供  
涉獵而已必飲而取其醇食而飽其馥嗚呼儒者之任  
其亦重矣乎或稍解俗文字揚揚自滿目之語而額之  
瞬妖冶飄忽自以為得意者此鼯鼠之飲黃河而腹便  
便也君子嗤之夫稍解俗文者畫之而不能廣目不識



丁者安之而不自惕其爲心也皆褊淺無故而怒詈乎  
勤劬自立者則均矣其所謂勤劬自立者既逢怒詈而  
必較之或矜持而驕生焉驕始生而禍隨至矣故君子  
如響如聲愈讀書而愈謙如也或畏而中廢則是弱矣  
可羞之甚也甲申除夜謾記

記福建人黃森問答

己卯冬福建商人黃森等四十三人漂泊於康  
津時大寒有一二人死者明年春正月二十五  
日乘傳詣漢師館於南別宮余於二月初四日  
往見畫地通言語記之左時觀者如堵未盡問



中國風土可恨森稍通文字故酬酢焉

問姓名云何

答賤姓黃名森

問從那里來

答以商人經過山東漂泊於貴國

問幾晝夜到此

答二日二夜

余已聞森莆田人故問莆田有鄭氏大族至今狀乎

森遂吐舌恟恍而答曰信有之吾之外祖亦鄭姓



何以知之

余答曰古書有之故爾

問爾祖先亦有名臣乎

答在宋時有布政壯元

問其祖名

答布政諱忠壯元諱光遠

問爾鄉中有名儒乎

答有鄭芝芳鄭芝遠

問讀何書

答四書



問亦讀三經否

答不讀

問三經名

答詩經書經易經

問讀左傳否

遂遂巡嘯對不甚分明

問能看八大家否

答有大家亦有小家意以為人家之家不知是書名故仍不更問焉

問讀通鑑史略否

通鑑即少微通鑑節要也我俗蒙學必先授通鑑史故問焉

答不知

柳莊子曰通史我國尚之中國絕無而僅有今見此人答信朕



問有妻妾亦有子否

答有妻有妾亦有子仍悽愴含涕

問爾能思大明否

遂掉頭微哂曰不知不知今之世大清爾

時時探問明事

仍循舊諱  
意有帶歎

問年幾

答以三十七

時旁人問森何業寫業字先雙點次一畫是俗用也森以手拭之曰非也其人眊眊復寫森又拭之乃寫業字先作草頭次一畫雖畫地字甚端正森短少稀髯面赤



色貌甚寬和無東人澁態其服多黑色番之長與膝上  
下衽無領而直頭刺垂雙條編髮或垂一條或無之戴  
白羊毛帽卷其邊寸許或黑羊皮為之青行纏青布鞋  
有綦而係是獨中國古製見我濶袖垂紳有嘲笑者亦  
有歎慕者見扇子則大愛人皆憐而贈之書畫贈者淡  
婆與錢贈者亦有之皆藏於橐我人偷竊必搔頭頓足  
呼訴有司東人輕薄如此上賜衣各一襲皆叩頭以  
謝訖其程自我國達于北京自北京抵于其鄉七八月  
可歸也經年而歸生者樂矣死者亦可悲也其語音重  
濁緩者如鴉促者如燕出於舌底不可模倣華東殊音



何異聾者恨聵不能文章不得問中國之新製作也顧  
今六合之內渾為夷狄薙左衽無一乾淨地獨我東  
尚禮義而冠帶之於今覺韋生東國也

記遊北漢

二宿五臺觀山內外寺十一菴與亭樓各一不  
見者一菴二寺曰奉聖曰輔國僧曰是刹之  
最下者偕遊者子休汝修暨吾三人詩共四  
十一菴寺亭樓各有記山蓋百濟古都我  
祖宗鍊兵峙穀為保障之地距漢師三十里從  
文殊門以入出城西門時辛巳九月晦也



洗劍亭

緣萬石以上亭在大磐陀石白色溪間石以流倚檻而  
眺水聲掠衣履去也亭名洗劍左有立石鐫曰鍊戎臺

小林菴

亭之北數十弓石室開三石佛坐焉古以往香火不絕  
也余幼時見窟而無龕今以小屋覆之苾芻曰淨和

文殊寺

日晡至文殊瞰平地疑到天半也佛龕當大石窟仍龕  
左右逶迤以行水如雨滴人衣行盡有石泉紺寒左右  
五百石羅漢坐累累也窟名普賢或曰文殊有三佛石



曰文殊王曰地藏金塗者為觀音菩薩以是亦曰三聖  
窟窟旁有臺名七星留以飯北入文殊城門

### 普光寺

日暮抵城門乃山之集處門以下地稍底多楓楠松栢曠  
狀谷易應寒氣始襲人也遂抵普光法堂右藻井大書三  
人字姓和尚皆談兵壁室貯鎗刀弓矢黃昏抵太古寺宿

### 太古寺

寺東峯下有高麗國師普愚碑牧隱撰書者權鑄也師  
謚曰圓證太古為號辛旽用事上書論其罪為時君所  
逐卓乎桑門之有節者既寂舍利百枚三浮屠以莊之



英宗朝

碑陰有我 太祖微時爵姓諱爵曰判三司事 上之  
今年持命閣以覆焉有肅敏上人者稍識字冲澹可與  
語朝飯向龍巖寺

龍巖寺

是寺最北漢之東隩也北有五峰大者三曰白雲萬景  
露積故三角名焉仁壽龍巖小者

重興寺

捨龍巖遵去路以下地稍平有寺焉曰重興麗時建也  
十一寺最爲古且大金佛坐者過丈僧持閑府以處願  
八路僧兵名曰軌能職曰槐攝旁有磨石仍巖石以刻



山映樓

迤重興以西林木翳狀溪清而鳴多大石如冠如舟積而爲臺者間有之蓋如洗劍亭與過之

扶旺寺

寺在漢之南興洞名曰青霞洞門其幽而寂宅皆難與之侔有壬辰僧將泗溟師像據梧執白麈尾落髮而存其髻過腹也西壁有斂環像焉憇而午飯

圓覺寺

登南城門見西海與天接也摩尼諸山間於海如拳也有羅漢峯巍狀如浮屠立也其下有寺墟麗時三千僧



處焉仍名曰三千僧洞也

### 鎮國寺

背山映樓崎嶇而北三丈石銘白雲洞門循石路到寺門紅樹白石堅而泠泠

### 祥雲寺

自鎮國到祥雲嶺以間之曰積石日入抵寺飯而宿朝向西巖谷行三四里水成瀑逶迤以卧槃嶺之左右殊其曠奧也

### 西巖寺

近城西門大樓臨水石之交風湍松籟曠而生韻儵如



兩對語不辨音也寺最早獨以清曠聞飯向津寬

### 津寬寺

出西門十里野多田高處為人壙南尋小壑始有林木  
寺是高麗津寬大師居也大石柱數十尚列溪左焉林  
石之佳雖不如內山佛畫之靈異獨不讓也

### 記號

三湖居士弱冠豪氣有志於莊敬日強嘗號敬齋有志  
斯有指而欲至焉於是又號八分堂八分其庶幾乎君  
實之九分也家貧屋如斗小而亦樂焉乃丐諸玄蟬之  
殼二隻之橘又號蟬橘軒欲所遇而修焉又號以亭品



燕其遯也又號乙广而欲遯焉其心欲水鏡焉故又號  
烟菴夫敬事而修庶幾乎古人而清心如水平遯卧於矮  
屋下厨烟蕭瑟而點筆爲文章燁然如朝華斯人乎猶  
不居焉哂曰是嬰兒之好弄也吾將守之如處子焉於  
是題其藁曰嬰處其與羣居也韜真而晦光慙慙如也  
於端人莊士歡焉於市人亦歡焉蓋虛舟獨汎無涯而  
不逍遙遊矣於是人又爲之號慙慙子亦號汎齋居士嘗  
家三湖自謂三湖居士斯號之始

記海印寺八萬大藏經事蹟

寶誌道人者蕭梁之佛弟子也以名釋著於佞佛之世



將滅出踏山歌一篇付弟子之高足者曰吾寂後當有  
新羅名僧來以歌傳之也果數年順應利貞二大師者  
聞誌公風從新羅來北謁于誌公誌公已寂矣其弟子  
汪狀戚也奉所藏歌仍傳誌公戒二師恭承歌及戒汪  
狀戚也合掌立誌公座者三易晝夜梵呪念佛惟勤墓  
開而誌公見曰新羅牛頭山福地也爾其建刹異應多  
矣二師惕狀迺歸牛頭山者陝州之伽倻山也谷口逢  
樵老人問訊宜建刹地樵老人笑曰彼轉數厓有水匯焉  
上有鐵厓萬萬盍注厓字二師謝而進果地平衍而鐵  
厓堆鱗鱗也相謂曰有地而又有厓奈無人何誰能助



是役者祇念呪放光瑞氣直亘于空外而已是時哀莊  
王之后疽于背醫藥技殫無可已命尤異人技聖而伏  
於草萊巖穴者使者遍於國裡矣一使者覘瑞氣直亘  
於伽倻山頂稽首致命於二師請偕往師辭不敢仍探  
橐中取紅絲之鮮如血色者一傳與之曰一端繫於後  
苑梨花樹一端接於疽疽乃已矣使者歸試之梨樹枯  
而疽則瘳矣哀莊王德之遣使者謝問師之願者將以  
酬之也師以建刹復王命大匠捐金建之後有陝州里  
丁李居仁者路見狗之幼者三目而蹢躅居仁憐而畜  
之狗也每日停午吃一飯主人出入必數里迎送焉後



三年斃居仁悽之歛諸棺葬祭如人禮居二年居仁不  
病而溘狀魂魄恍入于佛氏所謂冥府者門內有官者  
儼狀具公服下堂接慇懃曰吾主人胡爲來哉居仁視  
之素所昧而但三其目焉又曰昔吾有譴被毛於陽界  
韋蒙主人恩過三季復此官矣居仁謝僕僕曰余薄劣  
闕王殿前奚辭以供哉三目人付之曰柢言在陽界日  
意欲刊八萬大藏經而不遂云爾矣居仁如其言供之  
闕王大奇命削鬼簿名釋之三目人別而語曰遠陽界  
寫八萬大藏經化主勸善券詣陝州印以藏置它日庶  
相逢矣居仁甦如其言藏寘時哀莊王貴公主兄弟俱



病痘忽恍惚曰如得藏真八萬大藏經勸善又者吾疾瘳矣王命杞之陝州守以居仁應蔡傳謁公主王作地中三目人語曰別後平安因謂王曰八萬大藏經者陰界之所貴也閻王所以釋斯人出陽界使圖之也願王助斯人成之仍別居仁曰自此其永隔矣已而疾獲瘳是時巨濟洋中有大舟浮自何國來滿載八萬大藏經皆金銀字也王命發國中匠偕居仁往島中刊移藏于陝州海印寺海印寺者廼順應利貞之所營云

李先生曰吾夫子未嘗言怪力亂神君子豈可以言怪哉言猶不可況載之策哉逮張華博物志于寶搜神記



王子季拾遺記段成式酉陽雜俎蘓軾仇池筆記出而  
言怪者軍出矣是記而溺者也從而信之今余記八萬  
大藏經者所以貶謊誕而爲談幽恠者戒焉



青莊館全書卷之三

己巳秋宣傳從係書彬  
洛瑞書十五張借他手





青莊館全書卷之四

嬰處文稿目錄二

題淵明結廬在人境詩後

題農巖先生五律抄後

題阿弟所學字卷末


題趙子遊湖軸後

書多寶塔碑帖後

題古文選後

書諸子書目後

謾題庭桃





題墨馬倭妾

筆耕題書帖

題內弟稿

題清士列傳後

書心溪子長牘尾

書滑稽傳後

書蒼齋壁

書西楣

書屋壁

管子虛傳



看書癡傳

兩烈女傳

慧女傳

奕碁傳

饋虎說

怡心說

有無說

學說

晦箴

自修箴



立春箴

黃榆刀銘

木燈檠銘

銅水滴銘

竹筆筒銘

棗木枕銘

朽木硯匣銘

蟬橘軒銘并序

梳銘

喜雨頌



悼徐士華文

代舅氏祭外王母完山李氏墓文

廣陵散人哀辭

鵲巢上樑文

原閒

自言

透言



青莊館全書卷之四





青莊館全書卷之四

完山

李德懋

懋官

著

男光葵

奉杲

編輯

德水

李畹秀

蕙隣

校訂

嬰處文稿二

題淵明結廬在人境詩後

吾於靜者見隋城良叔嘗讀淵明詩緩緩微吟洽人肥  
膚寂狀而聽如見淵明巾服鬚髮也善言靜者淵明善  
讀淵明詩者良叔以是良叔詩多淵明意書淵明詩于  
壁引良叔語讚之



題農巖先生五律抄後

讀是詩者淨室潔席焚香而翫可得其趣亦於古松流水之側高吟朗誦與松聲水音共其琤琮清冷之韻甚至起欲舞或恐舞而仍飛去也又一廻省過一廻闔眼心孔玲瓏透徹足以養生亦足無病長年至於洗滌塵腸名利蔑如者不暇論余抄其五律之最泓渟蕭瑟者寫于小帖是余自得其妙者非聞於人者未知它亦如吾否人見有萬亦吾所未知者辛巳端陽小望題于澗濱堂

題阿房所學字卷末



德懋生之周季家君手書天地等字數百文寘之孤席  
暨學言語稍通今壯歲稍識字有其自也幼弟鼎大既  
生周季家君復手書以與之以愛德懋稍識字之心復  
愛阿鼎阿鼎今五歲可以學矣爾兄亦以是年也辛巳  
六月初五日書

題趙子遊湖軸

趙子性倜傥應不甘心如桔槔俯仰可放之丘壑木石  
之間恣其咏歌笑言如拂其性靈羈絆於東華軟土必  
生狂疾不知趙子知吾知趙子如何也南山村士題

書多寶塔碑帖後



魯公忠臣也平日事爲舉皆確乎難拔觀其畫可見其  
為人胡寫佛頌又寫麻姑壇慨狀也若使昌黎寫此兩  
石必不肯爲狀則魯公雖忠臣學力不及昌黎故也如  
我趙重峯先生節義可與魯公將惟其口讀聖賢手封  
佛香不忍爲之疏卓卓過魯公遠矣人可不學乎昌黎  
亦有服疏黃之譏尤可不加勉哉魯公昌黎猶不完全  
東坡輩不暇論矣況不如坡者乎三子古之聞人也不  
及我趙重峯先生人之等殺多矣哉辛巳陽月二十有  
二日南山散人書



右古文選清城息菴公所輯自戰國迄于宋總百有餘  
篇博而約歷代文章之變更歷歷斯在焉古文之道幾  
乎絕者久矣衣冠之士多趨于浮華之習不深究其字  
法句法章法之爲何而必虛大其言曰古文選滅裂齷  
齷士而讀此安用士爲靡狀成風俗若有挾而出門披  
於几案者必微哂曰彼何書也古文選誤子多矣書古  
今幾何何必讀古文選爲哉其挾且披者面駢狀如有  
負拋擲不相見於心以爲寧捷於市不可讀古文選嗚  
呼不究之甚也選之所載戰國先秦東西兩漢洎韓柳  
歐蘇且古昔名儒碩士間之焉又選之者豈區區常士



之比哉雖使粗識文章之爲可貴者選之亦多有所取者如息菴公文章才識鳴於當世其所選必有可觀焉奈何不自讀又從而著之至使人亦不之讀也其著其文歟著其載列者不足稱歟著其選之者無聞歟於斯三者皆無闕焉誰其備而著之也意者一有賤士讀是書不甚有功因爲人所指目不罪彼反罪此而狀也余嘗聞唐宋之間皆以論語授小兒世士遂不貴重聖人遺語亦因習而如是其不恠乎不讀古文選也如何則可不如戒成習而先究乎其本

書諸子書目後



自周抵明初以子名著述者凡八十人載於明人所輯諸子彙函嗚呼茲八十人者其著書自娛歟欲傳世永久歟八十子外磨滅不傳者幾何未來之世書以子名者亦幾何幸而傳之而訛誤淪缺者幾何憑其名而僞書間出者亦幾何書與名俱存而不傳字里世次者幾何從今以往八十子能不復散亡而壽世者亦幾何彼各道其道各書其書藻其文辭異其理義猶不能傳于永世雖其傳世其完全者十二三斯知士君子抽其心肝欲傳于世者迺且勞矣狀何必傳世之爲愈靜居著述聊以自娛迺可也古今人自娛者又幾人歟欲傳于世



者過半也歟辛巳初庚書于艇菴

謾題庭桃

庭有九桃長與簷齊清風徐集時展涼陰手携童子於  
焉其下拈筆摘葉隨意而寫日夕歸軒却顧一笑始覺  
適心亦不易得合論人生得適甚妙駟馬鼎食有時憂  
患一歲一月適者幾何況復一日得之斯難羨彼至人  
無災無憂雲遊天外以適終年六月之二十一日謾書  
于寓齋之第一桃樹下歲在壬午

題墨馬倭髻

馬於倭為稀有之畜其畫馬也宜法踈而不近乎馬今



茲而恣筆作之除鬣暨尾點畫無過十五六而情態流動畫隨而爲稀有之法嗚呼譚詩者觀目前物費許多辭高者談卑者腐模寫其精神者槩少焉有愧乎倭之墨馬嬰也癸未立夏白門村士題

筆耕題書帖

紙硯者田地也筆墨者耒耨也文字者種子也意思者老農也腕指者牛也書卷者倉箱也水滴者灌溉也田地也耒耨也種子也牛也倉箱也灌溉也不足憂其不易也其難也惟老農乎老農者意思也非意思文不可以敷施不以文而徒筆工者老農之傭僱也是以耕於地



者懶則腹飢耕於筆者懶則心飢又曰蒼頡者后稷也  
耕地耕筆猶有勞焉不若耕吾心田堯舜周孔思孟程  
朱其蒼頡后稷也歟狀耕心田而爲老農者問有幾老  
農之傭雇者其亦稀也夫

題內第稿

凡詩文箇箇有一脉精神流動方是活文若蹈襲腐陳  
便是死文盍嘗觀六經之文無精神未

題清士列傳後

許眉叟穆旣作清士列傳曰東峰虛菴北牕古玉東山  
也余愛其高行手書以寘又閱其集有李濟臣姜緒趙



忠男朴枝華徐起李楠遺事茲皆潔志憤世之倫也續  
編于清士列傳之後甲申十二月月圓日以菴居士題

書心溪子長牘尾

幽鬼嘯雨砭人髓骨非巫山神娥悠泛高唐之霏雲婷  
婷娉娉於楚大王夢中耶余於古幅看楚夢圖襄王憑  
玉几而睡有白氣宛宛如香烟掃于頂鬟娜半天有女  
明粧穩踏氣端其明眸燁燁直透大王之頂也宋王之徒拱手  
立于旁但知王之睡于玉几而不知夢境圓迴迷茫浩  
渺于楚國五千里逢巫娥而和悅其話言妮妮刺刺也  
夫夢虛影也可獨悟而不可與人並觀矣况夢可畫乎



哉況楚國大王夢巫山娥可畫乎哉朕一白氣宛宛者  
夢於是了朕笑白氣其夢耶夢其神娥耶神娥其畫耶  
畫其夢耶其了然者何也吾已忘之矣心溪之文其夢  
之畫耶否耶畫者之腕中自朕有主張之者能役夫外  
物之丹青能不夢而夢之矣今心溪文也而非畫也其  
所言者迷樓錦官城焦僥波斯市也而非楚大王夢也  
明矣朕以吾之眸透之焉以吾之神悟之焉則了朕知  
其爲楚夢之圖其爲心溪之文則吾又忘之矣非吾忘  
之也心溪亦忘也夫吾瞠目視心溪而笑心溪又端拱  
而笑是日寂朕無一言



書滑稽傳後

世讀滑稽傳者申看解頤消病心却睡思是徒知其皮毛其心骨則未嘗察夫一二也余獨悲淳于髡優孟優旃之苦心每當胡盧爲咨嗟反喁喁爲噓唏夫齊楚秦非治世也愚者賢者或大而赤九族小而粉一身三子者若非愚者亦賢者也是愚者何不浮沉馳逐殉於富貴充其志願是賢者何不謹言而正色引君而扶世以致其能名是知三子者似愚非賢真賢假愚托此滑稽以全其身一談一笑諷旨頗深其君雖暴虐烏可怒而殺俳優雖昏庸豈不反而覺諷諭嗚呼三子者豈樂爲



此安知其詡詡大笑非嗚嗚悲歌歟

書蒼齋壁

夕拊琴朝讀易易賸幽琴致適朝復朝夕復夕

古之有隱德者潛居養真不寤束於名途獨善其身偃仰自得無愧乎鬼神人或曰狂且拙吾必親之於今始得蒼齋主人焉

書西楯

終日無妄言語終身無妄心想人不謂大丈夫吾以謂大丈夫

心不着躁妄可久而花發口不載鄙俚可久而香生

良叔



曰花叢香生太近乎  
佛少加警念如何

書屋壁

古之君子固守義理不暇顧利害後世之人不惟不識  
義理雖利害專狀不知每有滿盤烏喙姑且喫盡之意  
不亦哀哉

客有過余者語次及此  
余感而記之以警昏弱

管子虛傳

管子出自淇澳子虛字名擇

籀

其先有隱於嶰谷者黃

帝使伶倫拔擢之製黃鍾之律其子孫茁盛林林叢叢散  
處于海內者難以枚舉中葉遷於渭川者頗有清德孤  
竹君最拔萃是生子虛者子虛茁芽秀苗有龍腰犀角



之姿孤竹稱之曰此管氏之青琅玕也虛心潔外得一貫  
之道窺夫子之牆嘗爲嵇康等七賢李白等六逸主人  
蓋取諸雅蘓子瞻俗之喻袁尹辮爾之訪王子猷之不  
可一日無此君之語皆粲人牙頰也同時有生成翁者  
聞子虛之風忘肉味而語之曰子豈非固而樹德者耶  
虛而無心者耶貞而有節者耶傲雪之大夫凌霜之處  
士吾皆得而培植之何見君獨晚也是時皇帝陛下鑄  
熙皞之治施雨露之澤庭枯祥桑堦榮瑞蘂月建青陽  
盛德在木乃親辮三槐九棘迎春於東郊下詔於林下  
之賢曰朕自即位雖有花之王草之帝獻媚於前不足



以資朕德昨夢東君賁予一箇臣娟娟之姿宛在朕目  
中爰命文與可繪厥像使占夢卜之占曰不剛不柔虛  
中堅外古人之風君子之節其當出仕有直哉之操歟  
今以像旁託于野有能進之如茅斯拔以助涼德爰以  
好爵縻之生成以管生應之曰山野臣擇孤介之士也  
今若簡拔此子旣霑雨露庶不與草木同腐偃草上之  
仁風資蒲蘆之敏故臣亦榮於蟠木之薦淇澳之詩其  
德咏荆揚之貢其用著仰之彌高鑽之彌堅又感皇英  
之烈孟宗之孝萊公之忠足以副陛下詔矣書奏上大  
悅五月十有三日輦八上林簣土成壇延以為賓子虛



見上植立不拜左右向風而前使之拜上以手揮之曰勿  
前勿拜對此子可除脊中棘三斗矣仍命曰朕結此芳  
隣有使養莠蕭艾蘘牙其間者朕當斬伐焉於是封其  
族渭川千畝與千戶侯等上每於月夜與諸王訪之見  
子虛諸子錦綉豹文岫岫而立顧諸王而嘆曰父子兄弟  
當如此也有子八人曰筆曰箭曰簫曰籥曰簡曰竿曰  
箛曰簾生或嘗言昔有荀荀氏八龍此可謂管氏八龍  
仍稱之曰筆短小穎銳可作黑頭中書但戒其矢折箭  
奮發忘返鋒穎太露可戒其摧挫簫協和神人音律是  
究可進于帝庭籥欽于祭祀棗盛是飭爲世之器任者



乎簡長在石室蘭臺古今之治亂可考也竿長身猗猗老  
於江湖遯世而無悶者乎節隱遯者流老成人是求周流四方  
之相乎簾博施之資卷舒推移禮防自持者也後皆如符  
節之合亦有一女踈通暢豁顏如其心封鄴春縣夫人甚  
有寵從上甘泉宮避暑已而上頗厭其節目之促數仍爲父湯婆  
所妬有班扇之怨降夫人号命曰青奴限明年五月棄置以待其悔  
過更收用云管子有蠹心之疾枯槁而卒享六十歲

贊曰余嘗聞子虛之側鳳凰降味其有實德也管本竹  
氏其仕於舜者改姓管管字竹下管志其始官也其苗  
裔世世封渭川高人韻士至今皆願一交五霸時有支



孫夷吾者以詐術佐桓公君子惜其忝家風漢末有寧  
者不仕魏猶有遺風餘韻非生成翁扶植之恩豈如是  
卓乎後以薦管之功拜為大司命

看書痴傳

木覓山下有痴人口訥不善言性懶拙不識時務奕棋  
尤不知也人辱之不辨譽之不矜唯看書為樂寒暑飢  
病殊不知自塗鴉之年至二十一歲手未嘗一日釋古  
書其室甚小狀有東牕有南牕有西牕焉隨其日之東  
西受明看書見未見書輒喜而笑家人見其笑知其得  
奇書也尤喜子美五言律沉吟如痛癢得其深奧喜甚



起而周旋其音如鴉叫或寂狀無響瞠狀熟視或自語如夢寐人目之爲看書痴亦喜而受之無人作其傳仍奮筆書其事爲看書痴傳不記其姓名焉

### 兩烈女傳

松禾縣烈女李氏李弘道妻也與夫同年生盡婦道以事二十二歲夫死李不克哀常欲從死至吞針不死夫夢以告曰君之欲死誠矣狀有定命不可易也五十年後吾死之日君其歸乎李知其命不怠於死然終身衣三年時素服敝輒縫補不易以新食糟席藁老始啜醬七月初五日夫死之日也至辛巳其日親具祭饌將祭



忽憑於衾曰吾其死乎怡然而逝數其夢夫之年歲果  
周五十矣夫死於寅時婦亦以其時終享年七十二嗚  
呼異哉天命之不可易如此夫鄉人書之善籍太守嘉  
之議旌其閭李氏從女李氏亦烈女也少喪母育於其  
從姑李氏通小學史記十七歲八月嫁龍崗縣金麟老  
麟老十月將孿而歸濟大江溺焉烈女聞其報大悲哀  
剔地以哭爪為之流血明日哭奔夫家中流大慟曰吾  
夫欲率我而溺從夫之死無憾乃赴江左右衛之免及  
到夫家夜逃至江者數輒為人覺不遂志烈女給曰夫  
已矣吾生夫可祭怡怡如平日家人不疑不為守夜潛



往溺于井日明衆覺而拯自足至膏背渾以紬纏之堅  
不可解其遺書處置家事訣舅姑與父母諸兄弟又曰  
願不脫紬纏與素服仍以歛之所大恨者夫屍之不得  
如終不得以夫之衣與髮同窆是吾志也後終不得屍  
戊午監司上其事 命旌其閭烈女事後母至誠女死  
母悲憾而沒君子歎曰人之有懿行一鄉不易况一鄉  
又一門也哉嗚呼烈女學於烈女終成烈女之名其亦  
異哉昔空同子涕泣作六烈女傳蓋有感於世也余於  
兩烈女亦如之也外黨朴叔汝秀氏松人小烈女又其妻  
兄爲我言其槩遂感歎以書爲兩烈女傳又贊曰女之行胡



使我起敬松之士胡兩烈女之位

慧女傳

某州有一士惑於後妻者失其名姓前女迎婿將夜半有賊戎服橫大劍牕外閃閃有光大喝曰新郎急出不狀者吾且劒爾郎大恐欲出婦把其裾止之曰妾將處置直出門抱我服人曰慈母慈母何奈爾如是賊投劍垂頭家人燭視之乃後母也郎始知婦母之惡疑於是釋也明日束裝徑歸家母怒其女揚已惡也殺而埋之久之夫往焉妻不在衆曰病死已葬夫大疑怒發其歛驗如生衣上血斑斑也夫大悲憤易以新衣裳葬數婦翁



曰吾妻之仇君其報之吾從此辭拂衣以去於是婦翁之族謀而出其後妻焉君子曰女之慧乎止卽抱母明知爲母所戮而不辭也一則脫夫於死二則釋夫之疑也嗚呼夫之不智也旣覺其婦母之爲賊何不明日將其妻以歸乃獨歸家反使其母甘心於女嗚呼其不智之甚也

### 奕棋論

世之人衣絺絰狐貉食魚肉菓穀夜而眠晝而業安其身養其神無疾病顛連者何也以其有六藝也四民也六藝之外無有藝四民之外無有民焉或曰堯作奕棊



以教丹朱皮氏日休已辨之矣余素不能奕碁非徒不能亦不欲爲也十五六之歲往少年會大張此技旁觀四圍每下一子必大喧哄曰某將死某將活活者死者焦思沮氣若決真死活者余瞠目曰頃刻而有翻覆言笑而有殺伐吾未知其可也有人曰子安知此趣乎翦秦之不若也子不學則已如學當忘寢食余笑曰吾性甚魯但知局方而子圓未知其動靜虛實之機也觀不移晷頭暈目眩不知葛秦之不若矣暇忘寢食乎是技也雖入三昧當敵安有智略經國安有裨補但廢業而淪性爾此技一出所謂博塞雙陸奇怪變幻之技雜出土



大夫不知此爲大耻愧專心以爲務罔識晝夜傾家產  
廢恒業者有之至於爭博道提殺太子導雙陸縱淫皇  
后或父子對局奴主爭道者亦有之是父子決勝負之  
機奴主懷生殺之心尤未知其可也嗚呼變詐橫流禮  
節解情將至後世不見六藝與四民駸駸然趨于技戲  
士不知禮樂之爲何事民不知農賈之爲何業狀猶欲  
飽食暖衣賭其勝負其所謂絺絺貉貉魚肉菓穀何由  
以生其何能夜眠晝業安身養神無疾病顛連哉基之  
害其亦大矣老莊旣肆楊墨刑名縱橫堅白之術并出  
因是而吾道晦甚者六藝四民之老莊也博塞雙陸奇



在變幻之技是揚墨刑名縱橫堅白之術也廓而闢之  
孰當如吾孟子者也學某者曰是堯之所教也吾學聖  
人之所為以養吾智誰敢咎者余解之曰如其堯作某  
奈之何不學堯之道學堯之技乎吾聞孔子學堯者也  
禮樂堯之所嘗為也只聞問禮於老聃學琴於師襄未  
聞學奕棋於誰某也衆其嘲余之不為某曰拙人也余  
不懼不知某之為拙懼知某之不為拙也余又慰嘲者  
曰某者技之雅者也凡物惑則膠但存其雅不賭不爭  
閒晝無事消一二局猶有古人之道也

饋虎說



楊州之里老婆宅於山木之隙采薪斫畬而業宅之西  
南有巨山焉大木十圍者萬章有大虎焉首尾八尺有  
羸日啗人三四狗豕五六太守發軍吏三百持弓矢創  
刀圍之虎大怒蹲而四睨蹄攫土土深三尺騰而上者  
三丈軍吏莫敢忤棄弓矢創刀而遁虎於是大肆毒里  
之雞犬不敢聲里老婆携筐帶鋤怡怡而步當虎穴虎  
舐二子婆不怖拊虎子虎不怒而闔目婆說之曰爾乳  
二子得不飢乎吾粥餉之虎掉尾樂婆炊粥一盆注饋  
之虎坐耳而欣如也婆謠而歸以為虎可說也夜二更  
婆之籬蕭蕭而偃起視之有虎跡于雪大豬赤血斑斑



狀倒于庭婆喜以為虎之報廢其業以饋虎為事必以  
獐鹿狗猪酬之婆仲孫薪于山虎張口大啗腦其父母  
悲且怒持大斧踴躍直前婆止之曰爾何傷虎使我獐  
鹿狗豕之不飽乎死者已矣虎之肉以報足以償兒死  
況有它孫乎虎聞之肆狀喜舞爪掀鬚躍縱橫焉婆大  
呼曰不飢乎吾有粥烹持獐鹿狗豕來也或曰婆挾梵  
呪性且狂鄰之有識者歎曰虎負恩婆忘讎暴哉婆也  
甚於虎遂不與之通水火

### 怡心說

身本一而已心亦一而已矣血肉以凝之脉絡以色之



其堅固不似木石金鐵之流其何能久而有也且夫所謂七情者感觸之震撼之不已至使髮之黑者化而為素顏之丹者變以為蒼駸駸乎病且死皆使之狀也世豈有無七情之人人亦豈有無七情之日哉且中下之人碌碌過平生以一身一心之微淪淪無有餘其亦哀之哉惟有君子人知大體者不入乎偏僻不肯乎慎節不介滯乎胸抱之內若夫夫子之絃歌陳蔡顏淵之簞瓢陋巷皆是也狀人鮮有知是者亦所慷慨也余嘗於七情之來仍潛究曰夫子顏淵豈有它道但自怡其心而已怡者安之謂也安者亦有慎節之意如無慎節任其所



至非止顏蒼髮素病且死將至維逸狂妄及為不肯棄人不其大慰也哉壬午二月初六日夜有感而說

有無說

仙之為道無而無佛之為道有而無儒之為道有而有無而無者虛也有而無者寂也有而有者實也寧有而有不可有而無無而無也

學說

天既畀我以耳目口鼻四肢百骸豈偶然哉其受之者當如之何耳聽於當聽目視於當視口言於當言鼻臭於當臭四肢百骸莫不動靜於當動靜當者當狀也宜



之謂也不失天理者謂之宜也我之受之天者亦豈偶  
然哉聽之視之言之臭之動之靜之若不幸而失其當  
是失天理既失天理擡頭舉眼看天色其何不惕惕然  
惡於心哉我日夜思其當當莫當乎學而已亦或以我  
完備無一缺傷之耳目口鼻四肢百骸既号曰學而學  
於不當學是及不如不初學雖不謂之學可也

### 晦箴

惜言如金韜跡如玉淵默沉靜矯詐莫觸斂華于裏久  
而外燭

### 自修箴



懲忿窒慾改過遷善既懲毋動既窒勿戀既改不再既  
遷莫變足以自修沒齒勗勉

立春箴

斗回寅物皆春人當以仁

黃榆可銘

余家有古可可支大卷

劉黃榆具四脚質又澤其廣踰尺究其用書可也非棊  
局

木燈檠銘

余創意松木作之不染不歸甚素樸云



金跋蘭燭火煌煌芳木槃磁蓋亦火煌煌芳火是一安  
擇金與木

銅水滴銘

色淡赤而製古取其奇

其體方其用運况其質精銅百鍊者乎

竹筆筒銘

永叔附三大竹為筆筒贈我

筆管小竹筆筒大竹大竹三合可容筆百

栳木枕銘

用雷震栳木為枕可百邪遁藏



古棗百年疾雷擊劉爲枕鬼魅憎匪鬼魅憎雷擊憎茲  
枕隨君子之側

朽木硯匣銘

大且廣高足質黃有玄文細如墨畫有丹楫巖  
石雲氣樟鹿之象人言伐木之根爲雨所淪八

云

株伐根餘雷而縈之古晦今顯物類形之族工不顧哲  
工解之俗子不取君子愛之

蟬橘軒銘

并序

余嘗愛歐六一屈左徒之爲人喜讀其文於歐

族似騃



取蟬賦於屈取橘頌竊有所感焉歐曰凌風高  
飛知所止者屈曰紛緼宜脩姱而不醜愛其人  
而讀其文讀其文而取其所嘗道者以自況如  
有人仍歐屈以知蟬橘仍蟬橘以知我其廢絕  
同吾者也亦有所取者金錫汝旣為我叙之不  
復說其銘曰

爾貌癯耳爾心潔古多人奚取歐與屈物多類奚取蟬  
與橘旣爾好如斯寘之塵穢亦奚恤清澄而恬愉孰知  
爾資質

梳銘



梳之前不識以為切梳之後頓覺益于躬持誠敬以為  
梳氣克心安樂無窮

喜雨頌

歲在戊寅旱魃太熾累月不雨民其渴飢驕陽張傘彤  
雲布蓋禾苗盡枯草木將死瞻望雲霓徒無雨意天恡  
何故乃至於此蒼生疼芳憂深赤地上帝下臨念茲東  
土爰命屏翳盡驅魃毋鶴鳴于垤鳩逐其婦濛濛一夜  
沛爾甘雨傾盆落鈴八表同注萬木回榮百穀不槁病  
者以歌行者以舞吁嗟一雨伊誰之力上天眷注吾王  
化澤鬼神冥祐黎民誠格霖霖沾濕日以復夜沾者榮



者生者起者山河生色動息均化農夫田翁荷鋤如雲  
鎰彼南畝以耔以耘灌水移秧婦子殷勤豐年之象處  
處以聞

悼徐士華文

維庚辰月日故人某聞士華之亡含涕作文而悼之曰  
嗚呼生壯老死人之四變也有生者不可逃亦可悲也  
今君之亡身不老氣又盛老者之死尚可悲况如君者  
乎佐伯傳曰士華已矣余方與人言聲才入耳惶慙曰  
士華誰也士華誰也如是者三廼噫曰徐君士華乃爾  
云耶吾平日見士華飲食不減行步不差何乃爾云耶



訃君之年北七甲子想君之貌貌如其年亦何乃云爾  
耶嗚呼君家甚貧播遷四方出沒於世老母不飢吾嘗  
善君之爲人曰士華家貧能安其親孝恭之行人所難  
知奚至泯滅未盡其誠皤皤鶴髮拊棺而哭曰吾子吾  
子棄吾何歸娉娉弱婦抱兒而泣曰吾夫吾夫棄吾姑  
與吾兒而何歸幼女嗶嗶無知其感雖生長於世安知  
其父面君應歔泣於泉臺矣嗚呼今年之春逢君於湖  
上談笑竟日君曰吾始定居高陽上奉老親下憐妻孥  
左圖右書讀范睢傳千遍足以過去吾生吾笑曰君得  
訃矣吾當往之誰知其日便成千古之訣乎嗚呼戊寅



之夏君暨我與佐伯雲卿坐卧共之笑語諧謔親如弟兄好事不常雲卿遭喪佐伯移家君又流寓於它鄉余於此時已覺人事之易變如今君又亡焉亦復覺人世之如夢也二十七季悠焉如鳥使它人不病而痛冉冉如就死也君之老親弱妻子子無憑何故以倉卒何故以衣呱呱者在襁褓其成就何可必也已焉哉昔日漢書晉筆堆於床今日丹旌素棺寄於房昔日寄書問安平今日作文吊精靈道途脩阻不能親奠而哭又無使者不得替我而祭只以哀悼文西向而大讀之仍以焚嗟嗟士華知之也不嗚呼哀哉



代舅氏祭外王母完山李氏墓文

嗚呼我外王母完山李氏沒世后二十八年之壬午某  
月日外孫朴某謹奉酒果嗑唏愴恨再拜于神道之前  
而泣告曰嗚呼小子之不記此地久矣皆由乎舅氏早  
沒而無嗣慈母與季姨母相繼而沒仲姨母邈居殊鄉  
無緣以聞也矧又歲月多積祭奠屢闕誰復剡荆棘而  
禁樵牧哉追憶慈母在世之言只記墳塋之在於通津  
恨不詳聞其第幾山第幾岡與坐向之如何也小子以  
茲中夜永嘆泣涕潛潛每自念曰痛矣我慈母若在世  
豈使我不知其地乎无咄咄不能已也星霜荏苒哀慕



徒切訪于外黨問于居人始得省掃於陳虛之里嗚呼  
神靈不昧庶察哀衷想必泉臺悲喜交至傷慈母之早  
沒憐小子之孤露也攀援涕泗竚立遙想舉目悲懷感  
古愈切世俗少敦人皆忽於外氏小子獨不以為然禮  
曰睦於父世之黨可謂孝矣其情義之俱到豈有敦薄  
於其間哉而况小子幼日親自抱持膝寘嬌愛者乎嗚  
呼舅氏內外之瑩亦在是矣累累三丘幸深無主尤不  
覺嗚咽悲傷也今茲不腆之奠聊以叙終身萬一之懷  
伏惟鑑臨哀哉尚饗

廣陵散人哀辭



與我同為高祖之孫者曰廣陵散人君美字世懋諱也  
我之降在辛酉散人之降差其一季雖不為之同歲比  
肩而埒其相與之好亦以是深也自以為門中之良友  
情理藹藹終始如一不幸短命厯季二十而終於今辛  
巳季秋月晦我豈不為之嗟唏嗚咽涕泣沾襟也哉粵  
在總角之日竹馬為戲言笑怡怡每於靜夜無人相枕  
股而卧謂我曰余雖長於綺紉之中無意於名利安得與  
君卜居名山水疏池種魚日事吟哦以送其生乎嗚呼  
平日之語昵昵只如此而丁寧在耳尚記而不忘也眉  
疎目朗瀟灑如畫人或期其榮達吾獨憂之曰氣銳而



聲短者未見其遠大也如使君美罕御婦人服藥導引  
不勞擾其精神可至四五十散人笑曰若是之甚歟余  
曰吾正言之論君不為諱也嗚呼雖不幸不至四十五  
十至三十二十七八而夭猶近似也今幸之沒慮所不  
到也余昔者僑於江湖散人青驃幅巾翩翩而來執余  
之手曰見君之心倏爾而生不勞脩遠以遂一見仍同  
燕席再徜徉以返相與對坐評品詩軸畫帖清談亶亶  
雄夏晝冬宵嘗恨其談懷未足也散人常逍遙於廣陵  
水潮之村仍自號廣陵散人余每寄詩簡必以廣陵散  
人書之散人亦呼我以三湖居士益取雅曠不以排行



次第相拘也。今余作誄命之爲，廣陵散人哀辭亦不間之以生死，一其終始焉。嗚呼！生旣無名，死亦不以其家

沒於其伯防禦公任所三和府

客土千里以柩而返，又無一介孤兒尸

其祀其窮也，亦甚矣。重爲之悲也。古今人吊誄於人者，皆尤造物焉。雖通者亦如之。余嘗不信曰：人之生與死皆有命矣。必造物之爲尤於今散人之喪始知人尤造物亦宜也。其情意之至，慘怛之極，誰尤乎？誰怨乎？嗚呼！造物者之多猜也。胡不假我散人數十年，潛隱於名山水以遂其初心，其忌我乎？其偏忌散人之清曠無累乎？造物者宜不逃其責也。今忍淚歷言其平日交散人之深



者奚獨財哭宗族之淚哉其誄曰

我思故人悲年命方叔寶之羸綿一病方永歸長夜冬

之孟方叩筴西州驚噩夢方俱在髫齡戲螭鳳方我嘯

左歌言笑溫方為從者三同一源方無它宗族情益敦

方耦耕山谷曾有約方世難諧者楊州鶴方神情朗悟

疎省目方一匹青驛隨短僕方古詩百篇盈錦囊方閒

訪水廬喜我狂方乞箋之詩

余嘗送詩乞花箋云

野左箱方貽管

之帖我篋藏方琉瓶之魚畫金剛方

嘗於綠琉璃瓶養五色斛又玩八帖

畫金剛山小屏

置以為樂飄若仙方命我賦之想徃年方一去

牛山

三和府別名也

為旅魂方丹旄一片千里翻方永阻清容



哉之木方德音不遐悲心曲方親老婦幼誰與慰方又  
斷天屬無可謂方生壬戌年死辛巳方胡然而生胡狀  
施方痴騃無狀誰復容方我詩誰賞言誰從方天耶鬼  
耶誰其召方魂誰可招隱未招方耕釣山澤難與併方  
辭以係哭哀淚盈方中心蘊結意難輸方廣陵散人其  
知吾方

鵲巢上樑文

三湖舅氏宅有大桀桀樹己卯冬十一月鵲營  
巢于顛巢半成棄而不至舅氏命余曰汝  
作上樑文鵲當訖營余乃援筆作之文雖類



俳鵲終訖營其巢待余文歟錄茲以傳好事者

別有乾坤無畔岸江陵之一柱倚空莫是神仙好樓居  
齊州之九烟在下止所止矣樂莫樂方主人填河舊蹤  
化石遺商殿前之曼倩屈指曾學石燕之知風獄中之  
景逸弛心更效金鷄之傳赦喃喃高屋笑燕子之舍泥  
嗷嗷空城陋雀兒之啄粒知時報喜所以人自憐焉背  
歲營居此窠性本慧矣喬木舊世所翩翩而蹈高大樹  
餘風豈砢砢而趨下乃於不土不水之岸構得爰居爰  
處之棲構木為巢上世之製作斯取徹土繆戶下民之



凌侮奚憚山背水臨定明堂於巽位辰良日吉回北斗  
於坎方左矩右規寧煩垂巧之按器上棟下宇不待郢  
工之揮斤可子繼而孫承輪矣與矣但夫和而夫唱經  
之營之擅勝景於春夏秋冬鳥跳兔走華佳氣於東西  
南北鳳舞龍飛上出重霄蜃樓華表如彼其下旁通四  
海虹樑月牖仰之彌高月明星稀寧有失棲之歎兩凌  
風震應無漏屋之愁鴈奴逍遙畏繒繳而蹈跡鸚哥聰  
慧泣離籠而傷懷憐彼裾網之相罹保吾福履之是固  
傷離壤卽豈比鷦鷯之巢枝帖尾俛頭亦勝鮎魚之緣  
竹足以容膝蚊睫蝸角之不如莫曰打頭槐國柯郡之



是似鷓鴣之毀已遠蜉蝣之撼奚憂若余者小技蟲雕  
大志鵬徙芳隣旣卜慕高趣於夙宵桂殿欲攀待靈報  
於早晚恭疏短引助舉脩標兒郎偉拋標東西南北云  
云所冀上樑之後維鳩莫居斯螽是祝鸞停鵲峙鳳池  
之毛長傳熊經鳥伸鷄窠之老無恙

原閒

通衢大道之中亦有閒心苟能閒何必江湖爲山林爲  
余舍傍于市日出軍之人市而閒日八里之犬群而吠  
獨余讀書安安也時而出門走者汗騎者馳車與馬旁  
午而錯獨余行步徐徐曾不以擾失余閒以吾心閒也



彼方寸不擾擾者鮮矣其心各有營為商賈者缺錙銖  
仕宦者爭榮辱田農者缺耕鋤營營焉日有所患如此之人  
雖寘諸零陵之南瀟沅之間必叉手坐睡而夢其所患  
奚閒為余故曰心閒身自閒

自言

人可變乎曰有可變者有不可變者若有人於此自孩  
提不戲遊不妄誕誠慎端慤及其壯人勸之曰爾不偕  
俗俗將不容爾遂狀之曰談鄙俚之言身行輕浮之事  
如是若三日蹙狀不怡曰吾心不可變也三日之前吾  
心克狀三日之後吾心枵狀遂復其初



談利慾則氣隳談山林則神清談文章則心樂談道學則志整完山李子志古而迂喜聞山林文章道學之談其餘不欲聞聞亦心不服蓋欲專其質者也以是取蟬橘發為言者靜而淡

迂言

居山林而有名利之心者為大耻居闐闐而有名利之心者為小耻居山林而有隱淪之心者為大樂居闐闐而有隱淪之心者為小樂小樂大樂吾以為樂小耻大耻吾以為耻大耻者百半小耻者百百大樂者百三四小樂者百一或無之太高者小樂也吾居闐闐而有隱



淪之心者故其言透

青莊館全書卷之四

己巳冬洪友  
學洙聖習書







青莊館金書卷之五


嬰霞雜稿目錄一

戊寅篇

歲精惜譚

瑣雅

妹訓





青莊館全書卷之五





青莊館全書卷之五

完山 李德懋 懋官 著

男光葵 奉杲 編輯

德水 李畹秀 蕙隣 校訂

嬰處雜稿一

戊寅篇

戊寅篇者志歲也是年冬寓居于三湖之水明亭有著書自砭者數十條中間不得見者凡五年疑其散亡流失惜而不能忘亦不能記其文伊今偶閱巾箱乃復得之欣然披檢如故人之



相逢也雖不足教人而垂世其自為戒則深矣  
余之自幼志學素心於斯亦可見也今計其年  
才十八也縱不及三代八歲入小學十五入大  
學之規然亦或佳其冲年之語似有近於道者  
爾慨余無嚴師友教導之益而粗能識為學為  
善人之方亦家庭之訓誨歟乃更淨寫以置命  
其書曰戊寅篇時壬午二月初七朝日書于和

菴

士子明心如鑑律身如繩鑑不磨則塵易污繩不直則  
木易曲心不明則慾自蔽身不律則情自生治心身亦



當磨之直之

虛靈不昧導西注西導東注東向利趨利向義趨義注與趨皆當謹其始

物適則衡平物不適則衡傾帆便則舟行帆不便則舟橫平而傾行而橫在人不在衡與舟也心亦如之

心靜者言靜心躁者言躁聽人之言靜言躁可知其心靜心躁也

子曰巧言令色鮮矣仁又曰恥惡衣惡食者不足與言旨哉言乎或有巧其言令其色媚悅於世人出沒於榮途鮮衣細襪自顧矜衒是錦其外漆其中者不啻欺人



反不覺自欺其心

巧令者若見醇士衣布帶韋麤冠弊屨口訥訥貌瞿瞿者則必邪視強笑不啻若從廁溷中出來庸詎知其所謂醇士者反視渠若腐鼠死狗也嗟乎豈知木匱瓦積貯連城之壁照乘之珠也哉

人之生也具七竅備五臟亦該仁義禮知之瑞若不導之於孩提之初則及長駸駸亡賴將本善之性漸入於禽犢冠裳馬牛襟裾寒心哉天何生此等人具七竅備五臟哉

人性靜故以靜制煩自然歸正或有人好煩惡靜怠惰



放雜語無倫次間以浮談聒人之耳笑於非笑拊掌轉  
身揮手搖膝甘為俳優自期無宗為靜者可不貴乎  
假令心火也物欲薪也廉恥水也以欲著心不能制之  
以廉恥正如以薪熾火不能制之以水也

看人之暴戾恃慢而檢吾之心看人之砥礪謹勅而修  
吾之身庶幾行於鄉黨州閭也

人有小善必記而不忘反慕於心且傳語它人也人有  
細過必掩而不揚莫告於人且警戒吾心也

老成之人當待之恭敬此輩過於吾或有德過於吾或  
為父執焉或與其子弟為友焉可不敬乎如有慢忽不



敬是長幼之序紊焉五倫從此而斁

凡朋友會話之際歛襟危坐不可跛踦傾仄以足加於人以臂倚於人彼若如此於吾當以好言誘之使不為也不可反報而相較也

朋友者五倫之中以義結者交益深而待益敬不可情深狎待子曰晏平仲善與人交久而敬之

勿以人譽我而待之厚也勿以人毀我而待之薄也勿以聞一譽而自喜自恃也但自謹吾身而加勉焉勿以聞一毀而自怨自棄也但自省吾身而改遷焉

不必曰某有某物甚好吾將得之若逢其人則千萬勞



苦區區而得然後快於心此雖細故其漸不可長矣  
有天地然後有人人者受天地之賦與亦一天地也天  
地失度五行錯矣人而失常五倫斁矣以天地之身則  
天地之度無失其常則庶幾為人矣

言不可舛錯釋理而已不可便利舉詳而已

待人以恭可以免辱處物以廉可以免禍

聞過如聞樂治過如治賊

勝人最是大病痛區區談論作氣高聲欲挫它人者非  
快事也反不如下於人者反快活而猶愈於勝人

人無美惡待之如春風和氣綽綽有裕事無大小處之



如青天白日休休有容

鄙醜囂亂之事不可接目淺俚舛逆之言不可掛口

自唐以下俗習趨末工書工文為上學問為下所謂工書者非楷正古雅之謂也工於札簡務為時式所謂工文者非平鋪純和之謂也工於浮華務入科規也萬一或有學問者則必嘲笑指目視之若別樣底人輕浮之習每自警省焉

若有才智當歛蓄於內用於用時不可以小才淺智自媒自誇大言於稠坐之中曰吾某事善為之某術能有之是不但人視之以愚駭反自取鄙陋也



衣雖薄猶可以禦寒行如薄不可以容於閭里也食雖惡猶可以餒飢心如惡不可以安於房櫳也

見衣裳藍縷者先制其侮易之心言益恭而憫憐見衣裳濟楚者先制其欽慕之心志益修而警戒

心者君也身者臣也豈有臣而欺君者哉如有欺君者必有殃焉欺心者亦如之慎其獨大學垂其訓也不愧屋漏詩經著其戒也

一事一物或自己而曉或學於人而曉如有得焉可終身不忘也一尤一過或自己而悟或因於人而悟如釋負焉可終身自喜也



古語云息謗莫如不辯止怨莫如不爭不辯不爭而人又有謗我者淡若不知尤不可爭辯也

凡對人言多則聽稀何也以其重重疊疊若風過耳也不若詳其理舉其槩簡言之也然則所聽之人不厭于耳盡其所授而行之也

事業營為不可苟且雖至飢寒疾病當澹然而已至若陳三之却裘仲子之吐鵝雖是好事不當效此曲阮凡言語不可暴勃雖奴隸之庸凡禽獸之賤陋或仍小忿不可以刀刃與挺擬之而復罵曰吾欲殺此物也以忍制怒何事有敗以勤勝怠何事不成



簡以制煩靜以制動一生服膺是正心工夫故君子言簡而心靜

學古人以踐履為工夫

簡言語慎行步心常在一字之上也

邵子嘗大寒不出大暑不出大風不出大雨不出學者以敬身為先是非愛吾身也愛吾父母也犯此四不出貽親之憂莫甚焉子曰父母唯其疾之憂

### 歲精惜譚

天地間最可惜者歲月也精神也歲月無限精神有限虛費了歲月其衰耗之精神無可復收



拾矣凡人髻以前無論自髻而冠冠而娶既娶  
乎則弱女稚子森森滿眼居然為人父少焉髮  
蒼白而始抱孫老之勢浩難防矣於是搔首思  
髻而冠冠而娶以至于抱孫而髮蒼白則其精  
神之衰盛判然若先後天細檢其平生鄒落無  
所成雖長嘯太息無計奈矣余自十二三早已  
覺此事慙歎彌中且今冠娶者近十稔種種顧  
頗鬚尤顧影而惕曰今余年少而精神皎皎如  
其不早讀書學為己搔首之悲當遽歸於余也  
區區志意庶欲於言行上勗勉而世念淪汨有



時乎間斷其可惜可勝歎哉迺置簡於案事親  
讀書暇有由中之得則隨書之漸成篇縱知空  
言無補然其自為計則庶或未為失也於歲月  
精神之最可惜愈往而愈致意焉此書其亦一  
端之助歟癸未秋月之五十六日日將晡四以

齋居士識

媚容嬌色雖丈夫反不如婦人平氣正心雖賤隸可以  
為君子讀書談鄙俚對鸚鵡亦羞愧送客論是非想鬼  
神亦憎恨言語輕率雖卿相位奴隸是似行步褊狹雖  
耆艾年兒童不如余嘗題此於東壁書其尾曰明叔書



之明叔之室明叔豈欺明叔蓋深警之之辭

輕薄之俗容易呼古聖賢名余嘗戒之如古之高人學士當尊敬以字號呼之如陶潛曰靖節韓愈曰退之之類也且世俗不厯每務勝呼父執諸丈老之名如小兒是亦駭聽且宰相者吾君亦尊敬不名士庶豈可呼之且小名者父母及祖父母伯叔父母呼之其餘皆不可冠而字之意安在有朋友既冠呼小名者莫知其可也

浮華之流厭看經書及其它學問等語判知滋味不如釋官雖有讀者務為剽竊傳會詞章非真讀也或有意



讀之則反嘲曰腐儒余於斯有感

侍長者終日可收放心勝於讀書收檢少年例多厭侍長者甚至有六月尊長之嘲何其可也或有厭避父兄側者余竊惡焉

胡子曰學欲博不欲雜欲約不欲陋云此博約二字各救其雜陋之偏弊為學者常誦此言可也

自古挾才能者動心驕矜末稍喪身辱名皆從驕字上萌雖有兼人之才通天之學無計尊卑貴賤應接之時面上去驕字言頭去驕字方不為妄男子

皇明得天下甚正用夷變夏失天下亦正殉於社稷但



得之於胡可謂快矣而又失之於胡可謂恨矣

三峯鄭道傳 國初罪死然生於麗季佞佛之世能著書闢佛辨破甚確又抵書圃隱詆其親近釋子此事足為儒門有功人

若有藏書萬卷不借不讀不曬不借不仁不讀不智不曬不勤士君子必讀書以資借猶讀有以東閣者為愧古人云教子嬰孩人必曰兒不遵長者言是多氣者多氣者騰達恣其行止及長陷於辟者多嗚呼父兄之愧深乎遺子千金不如教子一經

古人云貧字不可形於口不可書於紙對富人言其貧



彼其當曰是求於我也豈不餒哉顏子飯蔬豈向子貢  
輩言貧乎如之何則可曰安貧安貧則不言貧

多事從多言始多言從不收斂方寸始然則緘口不言  
乎哉曰非也言顧其行則不素其言行踐其言則不素  
其行豈老佛清淨寂滅之謂也

小說最壞人心術不可使子弟開省一着於此淪沒者  
多明朝清源洪文科曰我朝騷人墨客作浣紗紅拂竊  
符授筆等記凡有血氣者咸知奮發誠感激人心之一  
助可謂盛矣云嘻嘻烏足道哉余嘗聞明末流賊多冒  
水滸傳中強盜名字是亦感激人心之一助哉余嘗者



水滸傳其寫人情物態處文心巧妙可為小說之魁合  
號綠林董狐然士大夫一向沉湎一本有鍾伯敬評批  
者伯敬之顛倒乃如是耶意者浮薄輩借伯敬名字入  
梓以重其書歟又有金聖嘆者恣意評讚自言天下之  
文章無出水滸右者善讀水滸其為人綽綽有裕又肆  
然罵孟子為未離戰國遊士之習云雖不詳知聖嘆之  
為何許人而其狂妄鄙悖從茲可知也其為言也抑揚  
眩亂才則才矣可謂耐菴之丘明法門之宋江矣意者  
耐菴以錦繡之才有一塊冤憤壘鬱於中發此無字之  
言叙其平生罵世之心歟其心則悲且苦矣其罪則擢



髮難賣也

小說有三惑架虛鑿空談鬼說夢作之者一惑也羽翼  
浮誕鼓吹淺陋評之者二惑也虛費膏晷魯莽經典看  
之者三惑也作之猶不可何心以為評評之猶不可又  
有續國誌者續水滸者鄙哉鄙哉尤不足論也嗚呼以  
施耐菴聖嘆輩之才且慧移此勤於本分事則其可不  
敬之乎甚者敷淫穢演僻怪務悅人目不知羞恥余嘗  
見小說書目中有開闢演義雖不開見觀其名目怪斯  
極矣余幼時看十餘種皆男女風情閭巷鄙諺有時悅  
目索知其真無是事然後憎惡之心漸加頓無滋味於



是書與時不相為謀矣嘗聞中州村巷學究閑聚談話  
卽席欲酒肉則一人呼新說一人寫幾人刻板居然成  
二三篇賣於書肆沽酒肉以遊云吁由一時食慾強作  
浪說用力極勞而心術隨壞其書浩不可禁車牛不勝  
載家著而戶讀於是棗梨楮藤之災極矣權輿於元濫  
觴於明至于今日而尤往而尤盛夫小說亂書也元亂  
國也其作俑者可以加亂民之誅矣漢之黨論晉之清  
談唐之詩律猶有氣節風流之可觀處然亡國而害道  
彼小說安可方乎此三者哉古置稗官以收野談雖多  
叢瑣君子有取傳奇志怪博物者取之惟此小說上不



及黨論清談詩律中不及稗官野談下不及傳奇志怪  
聖嘆輩獨以何心攘臂其間標榜五才子助其淺陋甘  
為說家之忠臣俗流之知己幸若中國有人挽回世運  
亟下新令溥天之下燒其舊書禁其新書或有犯者嚴  
其條法不齒人類殆庶幾乎

唐四庫中經類有小學蓋三代時有小學止於秦火  
後儒不得見只設小學博士教授諸儒所著文可以擊  
蒙者故唐藝文志小學類有蔡邕勸學篇蓋此等書也  
至文公搜輯諸家說始為一定之書

心中無一点猜忌方是好男兒余嘗勉焉有詩曰恥海



快除三斗棘靈臺洞若四通達亦恐言易行難何如乃  
可自愛人尼善始

余嘗愛和順積中榮華發外之語又愛清明在躬志氣  
如神之語又愛莊周淵默雷聲尸居龍見之語未嘗不  
書諸壁而誦諸口

陶靖節詩天然是士大夫心事讀陶詩先觀其語趣之  
雅潔不獨以詞家目之可也徒詞家目之淵明豈不笑  
我乎

我朝卓越千古者儒士釋流等級甚嚴嘗聞麗時尚佛  
儒釋混淆士大夫家壁上不掛僧笠三四則不為名士



相逢路次儒先拜於釋釋植立受之蓋其時闕閔子弟  
多出家故重大夫師友而不恥以至乎眈與至尊踞榻  
李正言存吾叱之下床以其時諫官可謂難矣又僧齋  
僧刼之俗醜不忍聞至國朝痛除其習闕閔始以出  
家爲羞至今釋流逢儒士於路間無論知與不知先拜  
則儒士晏然不顧又毀城中寺刹時有僧尼不入城門  
之禁判若涇渭可謂正矣

道在日用目前甚淺近莫淺於灑掃應對莫近於愛親  
敬長欲做好人者多舍此去而窺高大必先欲談天說  
易其躡筆而不循序如此未知人事安知天事未知人



理安知易理胡籍溪學易於涪陵處士譙公天授久未  
有得天授曰是固當然蓋心為物漬故不能有見惟學  
乃可明耳先生於是喟然嘆曰所謂學者非克己工夫  
也耶自是一意下學此其驗也有志者先以曲禮逐條  
律已然後次次讀聖賢書以至於易可也偶然書此以  
戒吾心之浮誇好奇

士君子言雖不足行當有餘方好若言而已則口然心  
不然如牡丹之好花無稟識者恨之

名目隨習俗而變高陽氏有才子八人才子之目豈容  
易哉隋唐之間能詩者反稱才子莊子盜跖篇曰孔子



謂柳下季曰先生今之才主也云古之才士亦異於俗之場屋才士也晉王孝伯曰痛飲酒熟讀離騷便可稱名士亦異乎經侍從獨稱名士也長者之稱亦不忤忤今之鄉谷多積穀反稱之余又逢某鄉某問貴鄉有何儒者乎對曰有大儒數三人不覺聳動急問曰姓名爲誰學業之造詣如何對曰某某也皆能詩賦表策場屋之文無難云余又不覺喟喟曰大哉儒也某去後嘆曰非如程張朱呂者不足以當大儒之目今此名反歸於紛紛殉名之舉子乎

世之論王介甫者紛然矣未得的論朱子曰其爲人質



雖清介而器本偏狹志雖高遠而學宗凡近其所論說  
蓋特見聞臆度之近似耳顧乃挾以為高足已自聖不  
復知以格物致知克己復禮為事而勉求其所未至以  
增益其所不能是以其於天下之事每以躁率任意而  
失之於前又以狠愎徇私而敗之於後云云今見此論  
介甫之平生昭然矣如老蘇辨奸論徒舍毒循私非公  
論補

寧為孔門之侍童擁篲於丈席之下恥作釋家之祖師  
加趺於蒲團之上為問君子鄙見如何

謙讓之於誇矜隔絕如霄壤謙讓者每歎不足而進



於有餘誇矜者每每喜有餘而退於不足然大謙讓大  
誇矜皆有未流之弊謙讓之弊遲而小誇矜之弊速而  
大

脫累之在事事欲遵古流俗之人事事欲從今互相激  
憤難得適中自有酌古量今底好道理何害也君子中  
正之學也古有匍匐吊喪之人又聞頃世某重修身好  
古以笠為東俗不堪著乃卷柳皮為冠行子道為人駭  
笑遵古之弊固已怪也從今之弊可勝言哉

東坡仇池筆記多錄真間事頗惑其說何其好奇之甚  
也雖弄筆研錄見聞當隨而辨破可也且真間事設使



自吾身親死而甦則可的知其虛妄也昔者逢更生之  
人間其死時事白犬慈釜之說極其荒詭愚氓輻湊授  
錢以聽余從旁笑曰死而甦者千萬一人也迺敢恣意  
眩亂妄恃其獨行之事以惑衆耳可乎佛氏或以愛憎  
幻弄愚夫愚婦托衛生死眩惑一世則有之亦有新死  
者一氣如絳為風邪挾弄作一噩夢焉豈真有天堂地  
獄哉

人之過常從自是處加人之禍常從蔑人處生自是則  
蔑人蔑人則自是互相終始都歸於偏是故君子貴審  
慎得中



人之交道甚重而初交之時動必曰知己交少踈則動必曰絕交何其輕躁之甚也余於此常惕惕

屈伸往復盈虛消長天之道也順之而已治亂興亡善惡吉凶人之爲也修之而已此言吾嘗聞諸正夫古人曰順理行將去隨天分付來此亦與正夫言暗合天地間萬事莫過乎此等語

嗟乎余至今未曉去俗所謂達者之爲達者人雖享得稀年送了許多光陰者博局上也酒盃裡也女色也書面也科場也榮達也晝睡也釋說也其間又有疾病憂患何暇修吾身本分事乎疾病憂患天也無如之何以



外事在自家任意天地間一蠹之語豈不愧乎何乃以此反以為達達哉達哉吾未知其達哉

船窓夜話云腹不飽詩書甚於餒目不接前輩謂之瞽身不達聲利甚於弄骨不脫俗氣甚於痼余續之曰口不言道學甚於啞脚不踏泉石甚於跛心不喜正直甚於鬼志不在山林甚於廝楊敬仲云仕宦以孤寒為安身讀書以飢餓為進道居家以無事為平安朋友以相見疎為久要余續之曰對人以溫厚為要法御妻以簡默為要夫作文以詳悉為意正調病以強作為藥石文者比諸學則末也外也是以今古文人例多浮薄放



肆文之中善詩之人尤甚詩之中善科詩者尤末之末  
外之外雖可勉強爲之而亦有好道理酌量處不可以  
爲男兒平生事業盡在斯顛倒猖狂壞盡心術也  
雖善言多則令人厭流於妄況不善之言多乎小則受  
侮大則見害

### 瑣雅

瑣者貶其不大也雅者多其不塵也謏見寡聞  
與議文章不亦僭乎又曰雅者竊取古人著書  
之名又曰記述無倫次瑣瑣然也甲申七月書  
于白豈棚下



列子較莊子太纖巧復逶迤婉孌其莊重無論不及莊子之氣力遠矣

陶穀清異錄意匠專取新奇故不免僻幽然類家之別種只供笑不是適用之書余嘗見山堂肆考亦一流爾何鍾所纂名山記凡一千四百餘首不載放翁入蜀記何也

家語恰肖子書絕不似魯論後人編首載夫子異相及誕降瑞應蓋緯書所收也涉誕謾恐取識者之譏孔叢子是孔氏家乘繁瑣中有理致

三閭大夫天問文中之至險極怪前無後無更無其對



宋王招魂等作稍接步武而却平易

鍾伯敬譚元春所緝古詩唐詩二歸頗費精力選家鮮能及焉其評隲者或非烟火口業但圈處或有過當而抹處公嚴令人氣短

朱子諱韋齋名松詩集無松字嘗按用於一處其好事近詞曰春色欲來時先散滿天風雪坐使七閩松竹變珠幢王節宅詩皆以杉易松字

又見清  
脾錄

蘓黃詩用古事仍成變化者後世惟錢受之能及焉而但局小耳

康熙崇文教太學立碑自製文贊顏曾思孟顏子贊曰



聖道早聞天資獨粹約禮博文不遷不貳一善服膺而  
德來萃能化而齊其樂一致禮樂四代治法無備用利  
舍藏王佐之器曾子贊曰洙泗之傳魯以得之一貫曰  
唯聖學在茲明德新民至善為期格致誠正均平以推  
至德要道百行所基恭承統緒修明訓辭子思贊曰於  
穆天命道之大原靜養動察庸德痛言以育萬物以贊  
乾坤九經三章大法是存篤恭慎獨成德之門卷之藏  
密擴之無根孟子贊曰哲人既萎楊墨昌熾子輿闢之  
曰仁曰義性善獨闡知言養氣道稱堯舜學屏功利煌  
煌七篇並垂六藝孔學攸傳禹功作配又多著書淵鑑



類函全唐詩佩文韻府古文淵鑑共三百七十卷夢窩  
相公癸巳燕行時康熙親授以傳子 國王爲言亦有  
佩文齋廣群芳譜康熙字典佩文卽其號也

揚子雲法言王仲淹中說皆竊學論語者也法言太崛  
強論語豈崛強云乎哉中說時或近之畢竟叔教衣冠  
耳

皇明史紀凡言京師者必曰長安甚野清人凡書冊往  
往剔去夷虜戎狄等字甚淺薄說郭尤多又夷字易以  
彘

鄭東溟詩專以氣爲主張其伸縮變化頗似于鱗而較



淳熙東詩之巨擘歟。只有詩集十一卷。許眉叟嘗大許其所著詩諷。曰管氏作地負王。詡作抵巇。屈原作離騷。荀卿作非相。今君平作詩諷云。余嘗觀其四六之文。果瑰奇爛熳矣。

陳東莞 皇明通記多直言其本朝可諱處不可謂之諛筆也。

偶讀唐書杜工部傳文甚簡硬而字也。字絕無僅有。歐陽文忠以宵寐匪貞。札闥洪休。譏宋景文者良有以也。夫

黃五嶽空同集序。雙闕之文。而句法靈異。雖是六朝委



波亦不辱漸 明之主真才矣哉

成三問編東人之文為東人文寶未成以死佔畢齋續成之曰東文粹

我東方載籍不備作史始於麗朝其著者曰金富軾三國史記 本朝鄭麟趾高麗史諸臣纂修東國通鑑東

國史畧三國史節要東史纂要俞市南釐麗史提綱

南臺谷編箕雅自新羅崔致遠至 本朝申叔舟四百五

十四人又羽士衲子雜沅閨秀不姓氏三十八人總四

百九十二人稱李奎報曰雄博則李文順又曰文章為

東國之冠芝峯曰李奎報雄贍又曰李奎報最大手又



曰李奎報之文亦自豪健余嘗觀李文順之詩謂之博  
也膽也則可兩公所謂雄者何也謂之大手則稍或可  
也其為最大手為東國之冠者亦何也又其文冗長不  
欲觀

明人以為揚子雲本無失節之事劇秦美新乃谷子雲  
所為而後人誤認為雄枉被其名云

焦竑輯老子莊子諸註家為老子翼莊子翼老子註家  
六十五莊子註家四十九

焦竑曰諸子唯楊朱無書列子在晉末書始行起後人  
取莊子之文足成之者故太史公作列傳不及列子充



蒼子唐王玄源所著關尹子書甚高顧嬰兒慈女呪誦  
土偶之類時尚無之亦後世知道之士所托爲非其  
真也云余以爲後世偽書之起亦道學不明學士大夫  
尚浮華而無恥之致也豈細慮哉

韓退之集註家五百蘇子瞻集註家九十六囂囂汨汨  
不勝其瑣反有失於本旨者亦叔季之事也至東國杜  
詩諉解而其弊極矣

李于鱗之文果佶崛而奇乎哉然往往強作古人語突  
露筋骨終歸文章惡道又諸篇皆一套無新新變化各  
體層出之義夫其詩則有氣而且色焉種種悅心五絕



則非其長也文則蓋不如李獻吉獻吉詩極力學少陵  
處可憎殺杜有秋興八首之律李又以律倣其體題曰  
秋懷八首此等處終出古人脚底使眼力長者侮之而  
且惜焉

獻吉左宜人墓誌奇而且密可悅

于鱗簡牘種種可觀其擬秦昭王書果是何語凡文章  
雖至怪極奇者一再次細尋自有脉絡方是好文于鱗  
文強項有時而骨折血滯雖平生學兩司馬顧遷暨相  
如出語輒雄渾蓋漢之元氣所鼓橐籥眇然一于鱗不  
但模像彷彿或復欲凌以上之此是後世學文章者一



種痼弊若以學問方之恰同王仲淹不知時宜急急欲  
做孔子續經書徒摸像關里影子來自取吳楚僭王孔  
門王莽之譏夫宋世鴻儒雖不摸像如仲淹顧其學術  
則孔門之嫡派耳凡為文章者知乎此則庶幾爾

劉鳳子咸文章又一天地間怪物蓋皇明之在如此  
輩者不知其幾人明之所以代但者靈流怪品盡發  
天地之秘藏亦是宇宙間一大運氣無可奈何地也非  
人力所可遏但任之而已為愈也

元美之哭于鱗一百二十韻詩瑰奇譎詭靈氣翳雜蓋  
大物也而偉材歟不讓為大明文章也顧東國無此



製作其它可類知矣

唐傅爽請沙汰僧尼疏比退之佛骨表加詳密嚴正蓋其為人種種甚好也

盧蘓齋我東別立門戶者其詩全用之於而以字似非詩家本色然於其中化焉者也文之暗室銘縱曰奇健未免黑竊竊

先輩往往推金華厓爲東國第一文章以余淺識恐多冗俚置崔立之於何處也 宣廟朝以下文章多可觀也詩文並均者其農岩乎詩推挹翠軒爲第一是不易之論然至淵翁而後成大家藪蓋無體不有也纖麗而



成名家者其柳下乎痼疾於摸唐者其孫谷乎蘭雪全用古人語者多是可恨也龜峯帶濂溪而神化於色香者澤堂之詩精緻有識且典雅不可多得也近世率菴有理有聲色不碎零定難得也雖與顧菴并名顧菴不知落下幾層矣栢谷之詩往往有逼唐者而卑處全不免餒陳平生讀書之多定為古今稀見讀伯夷傳一億一萬三千番定可類推也其集中文只數篇而無足可觀才之至鈍者也才氣之靈靈慧慧搜括化實者四百年來罕有之羅一千年麗五百年元無之至觀復齋足可當之而不幸驥騏中踈梗楠半折著輯不多識者恨



之蓋才不無焉皆局於聞見所得多館閣體而畏縮不敢出遊局外掀動造化日就卑卑而已文章一事雖末技豈可腐陳庸碌安於下品哉

宋王梅溪文章神彩睍然不可多得也李廌方叔文章警發可愛余於其函品知之矣

今清之文章李漁笠翁為翹楚而五六十年前人也

日本文章物徂徠茂卿為巨擘而專尚王元美李于鱗閱燦倏幻時有可觀一國文人尊為宗匠靡然趨向死經十餘年有文集百餘卷云矣

許眉叟穆文章大打開而不得收拾倔強過之神彩恐



不足地乘之文甚佳製與車澹洲書有氣力丘墓文山  
水記此猶彼彼猶此渾是一套無伸縮變化處蓋多識  
前言往行不朽之文也古詩亦有奇健者律詩絕無之  
是可欠也東海碑瑣奇譎詭是奇作其疏章亦不是  
俗套典重可觀

月沙閣體之神化者其碑誌時有不愧古人處卷文呈  
文雖古之作者復生應有逡巡退步時四百年來館閣  
中之領袖也

陸務觀入蜀記清新警發南唐書亦非庸品其四大之  
文鱗其倫焉碑誌往往就格

缺

女墓銘悲烈可誦煙艇



東籬居室書巢等記閑曠樂易可以悅心其書画題跋  
奇氣映發蓋其詩文以奇爲尚者也竊想其平生雄秀  
悲壯氣宇軒然

白樂天之文雖俚俗其制誥及判後世難及其策林許  
多經綸詳密蓋如今世之一等科儒雖造言也曲暢旁  
通而其體裁則蔑如也其與元九書說交道文章處淋  
漓可觀多作佛家文字或稱佛弟子鄙卑何足道哉碑  
誌則有時好

元微之文雖不多與樂天大同小異也有鳥有酒等詩  
風人之旨



讀老蘇文絀讀子由文纖尖越覺低弱蓋老蘇文章家  
熊虎之才也三蘇之策論自晁董以後稀珍絕色也夫  
策論別有一種才品三蘇以外則不免燕石嫫母幾何  
人哉

陸敬輿鬼神於雙關者似冗長而不冗長矣

老蘇之文有氣力而大有才思小蘇色香不足長蘇則  
集一家之大成者

退之碑誌用意於奇峭而太露筋骨者子瞻之碑誌不  
多者文章家闕典意子瞻之才不長於此技也嘗言不  
欲屑屑於碑誌者無乃托辭以掩其所短歟



妹訓

余有二妹齡皆及笄幼而無聞及長難戎著書  
以訓章凡十六

女子之德和順為則言語行步以至飲食一心不懈乃  
為之職

下氣低聲中正以裁從容周旋事與心諧是為吉祥諸  
福畢來

鄙悖之言掩耳莫聆長老之訓存心以銘習此二者身  
亦安寧

善言惡言皆出于口一出惡言悔之誰咎一身善惡如



反覆手

多言之婦行不如一多言多妄妄則无宗戒之戒之囁  
囁無吉

言笑無節近于俳優色厲小温亦近于憂云何得中柔  
順以充

見善必踐見惡必懲莫揚人過莫訛已能小心勤勤婦  
德日增

怒心之來先抑其端發乃和容心隨而安任怒無際事  
大如山

閨房之內靜而無譁不大其聲以養其和聲不出戶乃



安一家

針織饋食慙其精敏整齊衣裳潔掃床茵勤勞同儕是  
謂善人

余觀懶婦早眠晏起蓬首垢面便逸是事百事無成惡  
聞隣里

余觀驕婦不事針線浮華好勝容服是炫妄自爲賢凌  
彼良善

余觀悍婦不時而哭與妖憑鬼日召巫卜萬事无懈災  
及九族

在家亡家在國亡國可不夫懼明若照燭試觀三婦和



順不足

莫羨富貴莫侮貧窮顧茲廉恥勤儉飭躬父母嘉之其  
樂融融

和考順考中心固持戰戰兢兢朝莫誦斯無愧此訓余  
言匪欺



青莊館全書卷之五

庚午夏金少季  
永福聖配書













